

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw



www.diario.aw

2,00 FLORIN

**Paulita (Ita)
Ramona
Ridderstaat ta
ricibi Premio
Ovito Tromp 2026**

Rey Willem-Alexander a planta un Pal'i Sia Cora na honor di naturalesa y medio ambiente

ORANJESTAD (AAN): Durante su bishita na Aruba, Rey Willem-Alexander a forma parti di un actividad enfoca riba naturalesa y medio ambiente, cu ta forma parti di e iniciativa "Vergroening Aruba". E evento a tuma luga na Urban Pocket Park na Oranjestad, cerca di Plaza Monument der Gevallen na Adriaan Laclé Boulevard. E momento cu mas a resalta durante e actividad tawata ora Rey Willem-Alexander, Gobernador di Aruba Alfonso Boekhoudt, Minister President Mike Eman y Minister di Vivienda, Infraestructura, Servicio Interno y Telecomunicacion Rene Herdê a planta un palo nativo grandi, un Pal'i Sia Cora, meymey di e parke.



Señor Frans Ponson di CUA:

Ta cuestiona si un minister tin autoridad pa cera algo publico na Aruba

PPA ta scucha e profesionalnan:

Encuentro cu Asociacion di Psicologonan ta fortalece vision pa salud mental na Aruba

Ceremonia Nacional cu Su Mahestad Rey Willem-Alexander pa conmemora 40 aña di Status Aparte y 50 aña di Himno y Bandera

ORANJESTAD (AAN): Den cuadro di e celebracion historico di 40 aña di Status Aparte di Aruba y 50 aña di Himno y Bandera di Aruba, Gobierno di Aruba a ricibi Su Mahestad Rey Willem-Alexander pa un programa oficial cu a tuma lugar na Oranjestad. Despues di e ceremonia oficial a sigui un programa cultural special, cu a presenta talento Arubiano y expresion di e herencia cultural di e isla.



Ceremonia Nacional cu Su Mahestad Rey Willem-Alexander pa conmemora 40 aña di Status Aparte y 50 aña di Himno y Bandera



ORANJESTAD (AAN): Den cuadro di e celebracion historico di 40 aña di Status Aparte di Aruba y 50 aña di Himno y Bandera di Aruba, Gobierno di Aruba a ricibi Su Mahestad Rey Willem-Alexander pa un programa oficial cu a tuma lugar na Oranjestad.

E programa oficial a cuminsa mainta cu encuentro corto entre Su Mahestad e Rey y e tres Gobernador nan di e paisnan Caribeense di Reino Hulandes na Kabinet di e Gobernador di Aruba. Durante e encuentro, Su Mahestad a reuni cu e Gobernador di Aruba Su Excelencia Alfonso Boekhoudt, e Gobernador di Corsou Su Excelencia Mauritz De Kort y e Gobernador di Sint Maarten Su Excelencia Ajamu G. Baly. Despues di e encuentro, e Gobernador nan di Corsou y Sint Maarten a sigui rumbo pa Bestuurskantoor. Posteriormente, na Fort Zoutman, Su Mahestad e Rey a sostene un encuentro protocolar cu e fraccionnan di Parlamento di Aruba y miembro di Consejo di Minister, creando un momento di dialogo institucional den marco di e celebracion nacional.

Cultura y tradicion como expresion di identidad. Despues di e ceremonia ofi-

cial a sigui un programa cultural special, cu a presenta talento Arubiano y expresion di e herencia cultural di e isla. E programa a inclui cu presentacion di e Nationaal Orkest, interpretacion musical di Edjean Semeleer y Jeanedy Semeleer, poesia pa Tasho, y e ganador di e festival "Un Canto pa Aruba su Himno y Bandera 2026".

E presentacionnan, acompaña pa coreografia di Dazling Dancers, resaltando e diversidad cultural y musical cu forma parti di identidad di Aruba.

E ceremonia a culmina cu un desfile di e guardia arma, marcha ceremonial for di Fort Zoutman pa Bestuurskantoor, acompaña pa un fly-by di dos helicopter, como simbolo di honor y reconocimiento pa e momento historico cu Aruba ta celebra.

Despues di final di e ceremonia, Su Mahestad e Rey a sigui su programa oficial riba e isla.

E evento a representa un momento di reflexion y celebracion nacional, reconociendo e vision y sacrificio di generacionnan anterior cu a contribui na e logro di Status Aparte y reafirmando e orguyo y identidad di pueblo di Aruba.



The Aruba Ports Authority N.V. is publicly tendering: Repair & Paint Works Roof Sections Terminal 1.

According to the tender document: OPEX PROJECT APA-PFAU-15-25

Short Project Description

The project consists of the following activities:

- Restoring the protective layer of the Main Roof through thorough comprehensive surface preparation and the application of a high-performance, salt-resistant silicone roofing system.
- Fully replacing the deteriorated roofing systems on Canopies A, B, and C with new structural plywood, waterproofing membranes, and UV-resistant coatings, while ensuring watertightness, thermal performance and long-term durability.

The tender documents will be available from **March 23, 2026, up to May 26, 2026**, at the main office of the Aruba Ports Authority N.V. or via E-mail against a payment of **Afl. 250.00**.

The request for the tender document must include proof of transfer in the requesting e-mail. Note that the cut-off time for receipt of request and proof of transfer is **March 26, 2026, at 4:30pm local time**.

Bank Information:

Beneficiary: Aruba Ports Authority N.V.

CMB: 15267105 | Aruba Bank: 128710 | RBC: 7700000030549428

Description: TOR project nr: APA-PFAU-15-25

For additional details of this tender, visit
<https://www.arubaports.com/main/repair-paint-works-roof-sections-terminal-1/>
or scan this QR code.



Señor Frans Ponson di CUA:

Ta cuestiona si un minister tin autoridad pa cera algo publico na Aruba

ORANJESTAD (AAN): Ta algo hopi alarmante pa laga un minister dicidi cu e ta cera nos beachnan un dia pa luna, segun señor Frans Ponson di Comerciantenan Uni Aruba (CUA). Segun señor Ponson, den e mesun rosea cu Minister di Turismo Wendrick Cicilia ta papia cu e kier duna nos sistema marino un descanso, e ta admiti cu nos beachnan ta e recurso economico mas grandi cu nos pais tin. El a agrega cu ta e mesun gobierno aki cu antes a duna permiso pa hotelnan ta riba nos beachnan blanco, awo kier duna nos beachnan un descanso.

Señor Ponson den un encuentro cu prensa, a cuestiona e base legal cu Gobierno tin pa tuma e decision

pa duna nos beachnan un descanso. Si e ta algo simbolico cu tin sentido of no. El a menciona cu for di institutonan cu ta haci e tipo di investigacionnan aki, ta comprende cu un dia lo no tin sentido.

E pregunta ta keda, segun señor Ponson, con nos ta pensa di cera un dia di beach mientras turismo ta aumentando den cantidad. Con lo maneha e cantidad di turismo pa e dia cu beach ta cera? Con ta bay haci propaganda cerca e turista cu ta bin pa hospeda na hotelnan banda di beach y cu ta paga hopi placa y mester bisa nan cu riba cierto dia nan no por cana riba nos beachnan. E peligro di esaki ta, cu ora turistanan ta aki y ser avisa cu nan no



por bishita nos beachnan riba un dia, nan por tuma nan celular y haci mal propaganda pa Aruba.

Sinembargo, segun señor Ponson, e pregunta cardinal ta si e minister en cuestion tin autoridad pa cera algo publico na Aruba. El a menciona cu e gobierno

anterior a cera nos pais riba un base di un ley di emergencia pa motibo di e pandemia di Covid 19. Actualmente, no tin un ley ni un caso di emergencia.

“Nos tur ta di acuerdo cu mester proteha nos beachnan pero mester haci esaki conscientemente. Si nos ta laga un minister lanta mainta cu gana di cera algo publico pa un dia y tuma autoridad sin base legal, nos no por lamenta ora cu e kier haci esaki tur siman. E ora por bin un otro minister cu ta lanta un dia y bisa cu e no kier buelo drenta Aruba un diadomingo pa luna”, el a expresa.

Tambe e ta cuestiona kico lo pasa riba e un dia ey cu esnan cu tin negoshi banda

di lama. Segun el a menciona, tur e companianan aki mester cera. “Nos ta gewoon cera sector priva pasobra un hede kier? E ta algo alarmante. Nos ta pensa cu Gobierno mester bay sinta cu departamento nan concerni pa hunto bin cu algo consciente. Gobiernonan mester traha hunto y no den cada gobierno un minister ta haci loke cu e kier.

“Esakinan ta cosnan des-cabeya den nos pensamentu y nos mester bira mas reponsabel den tuma decisionnan cu di berdad ta yuda pais Aruba y no algo simbolico cu no ta haci cosnan grandi financieramente pero riba dje ta perhudica hopi compania, nos turismo y nos pais.

Abogadonan no ta haya cu por prueba cu e dos hombernan ta involvi den importacion di droga

ORANJESTAD (AAN): Diabierna Fiscal a exigí 10 aña di prison pa e homber E.A. y 9 aña pa e homber J.S.O. Fiscal ta haya cu nan ta complice den e importacion di 397 kilo di marihuana y 335 kilo di cocaina. E abogadonan mr. Paesch y mr. Canwood ta cuestiona e investigacionnan haci y ta haya cu mester declara E.A. y J.S.O. liber.

POLIS A SACAR CONCLUSION INCORRECTO

Abogado mr. Paesch di J.S.O. a bisa Hues cu J.S.O. ta admiti cu e tabatin mitar bloki di cocaina. E ta desmenti di tabata envolvi den e importacion di e lote grandi di droga. E abogado a bisa cu J.S.O. ta admiti cu el a yuda cu drechamento di e boto pero no tin nada di haci cu e importacion. Na opinion di mr. Paesch, J.S.O. a wordo pidi pa yuda drecha e boto

cual lo a bay usa pa pisca. E abogado a bisa Hues cu e hecho cu Polis a haya un mitar bloki di cocaina na cas di J.S.O., no tin nada di haci cu e importacion di e lote grandi di cocaina.

Na opinion di e abogado, Polis no a haya ningun combersacion di J.S.O. riba cocaina y armanan. E abogado ta haya cu Polis ta saca conclusionnan incorrecto tocante e importacion di e lote di droga. E abogado ta haya cu tin speculation incorrecto cu J.S.O. lo ta un di esnan cu lo a huy na Eagle Beach. E abogado a bisa Hues cu J.S.O. tabatin un pia kibra y como tal no por a core. Ademas no tin prueba cu J.S.O. ta envolvi den e importacion di e lote grandi di droga y 3 revolver. Hues a bisa cu J.S.O. no ta wordo representa pa abogado mr. Paesch pa e caso di maltrato di su ex pareha. J.S.O. a

bisa Hues cu e ta lamenta loke a sosode door di a bebe mucho hopi biña.

NO A HACI SUFICIENTE INVESTIGACION

Abogado mr. Canwood a bisa Hues cu E.A. a admiti cu dia 3 October 2024, el a purba hiba 505,5 gram di cocaina laba den deken, Hulanda. E abogado a bisa cu E.A. a haya e droga for di Colombia. Na opinion di abogado, Polis no mester usa esaki pa bisa cu E.A. ta envolvi den e importacion di 8 Juni 2024. E abogado a remarca, kende ta bay warda un boto cu lo ta envolvi den trafication di droga cerca un tanta caminda tin camera di seguridad?! E abogado ta haya cu Polis a conclui cos robez. Na opinion di abogado, ta door di Inteligencia di Polis, ta pinta E.A. ta envolvi den e importacion di droga.

E abogado a remarca cu



ta riparabel cu pasobra cu E.A. tin un SUV Toyota cu lo a core un caminda, ta conclui cu ta esey ta e auto envolvi den importacion. E abogado ta haya cu Polis no a haci mas investigacion pa determina si di berdad ta e auto di E.A. ta esun envolvi.

E abogado a mostra Hues cu E.A. tin un caso di 14 aña pasa cu el a wordo condena y y no por bisa cu e ta envolvi. Tin declaracion di e homber I. cu a wordo deteni ora a intercepta e boto. E homber I. a bisa cu E.A.

lo ta envolvi. E abogado no ta kere declaracion di I. E ta haya cu I. kier tira e culpa riba otro. Mr. Canwood ta haya cu e investigacion no ta completo pa acusa E.A. di complice. E abogado ta haya cu mester declara E.A. liber di e importacion di lote grandi di droga. El a bisa Hues cu e ta haya e exigencia di Fiscal exagera.

Hues a sera tratamiento di e caso y a bisa cu dia 30 Maart 2026 lo tin sentencia.



Cuminsando cu 4 florin, bo por gana e suma grandi aki

Afl.

270.000,-

Obtenibel na cualkier rebendado di Lotto.

sorteo ta awe nochi 7:45 pm



HUNGA AWO



PPA ta scucha e profesionalnan:

Encuentro cu Asociacion di Psicologonan ta fortalece vision pa salud mental na Aruba

ORANJESTAD (AAN): Salud mental ta bira cada dia mas un tema central den nos sociedad. Den e marco aki, parlamentario Eduard Pieters di fraccion di PPA a sinta siman pasa cu e representantenan di Psicologo Arubano Uni (PAU), e asociacion profesional di psicologonan na Aruba. E encuentro tabata enfoca riba e vision, e metanan y e rol crucial cu psicologia mester hunga den desaroyo di un sistema di salud mental mas fuerte pa Aruba.

Proteha proteccion y calidad di servicio

Presidente di PAU, Dimitri Halley, a presenta e direccion cu e asociacion ta deseando pa tuma pa fortalece e profesion y pa proteha calidad di servicio den psicologia na Aruba. "Fraccion di PPA ta contento y satisfecho di por a sinta cu e asociacion di psicologo," Pieters a expresa. "Nan a presenta nan vision y metanan hopi importante pa e profesion di psicologia y pa calidad di servicio cu nan brinda na nos comunidad."

Segun Pieters, un di e balor-



nan mas importante di PAU ta cu e trata di un institucion local cu ta compronde e realidad social y cultural di Aruba. "Nan ta un institucion contextualisa pa Aruba, cu por compronde mihor e retonan cu nos hendenan ta enfrenta den loke ta trata salud mental."

Ronda di consulta

E reunion cu PAU ta parti di un esfuerzo mas amplio di PPA pa scucha e profesionalnan den e veld. Prome cu esaki, e fraccion a tene e combersacionnan cu e organisacionnan manera Respaldo y Stichting Hunto, cual ambos ta traha activamente na

bienestar y salud mental na Aruba. "Nos ta kere den scucha e pueblo y tambe e profesionalnan cu ta traha den e veld," Pieters a declara. "Door di sinta cu nan, nos por compronde mihor e realidad di e sector."

Sistema di salud holistico

Un punto importante den e encuentro tabata e necesidad pa tin un sistema di salud mental mas holistico. Segun Pieters, e profesionalnan dentro di sistema di salud mental no mester ta mira den un forma hirarkico, pero mas bien como disciplina cu mester traha hunto.

Psikiatra ta enfoca mas riba



tratamento farmacologico, mientras e psicologonan ta traha mas profundo riba trauma emocional, comportacion humano, inteligencia emocional y cultural y dinamica social. "Psikiatra ta receta pilder, mientras psicologo ta traha mas integral cu e persona su "psyche"," Pieters a splica. "Nan ta bay hopi mas profundo den e retonan cu un persona ta enfrenta."

Factor legislativo

Pa Pieters, encuentro cu e profesionalnan manera PAU tambe ta esencial pa e trabou legislativo di Parlamento. "Como parlamentario, door di sinta cu e profesionalnan mes cu ta traha den e area

aki, nos por compronde e veld mihor y e necesidadnan real di e sector."

Finalmente, Pieters a enfatisa cu fraccion di PPA lo sigui comprometi pa fortalece e area di salud mental y pa defende e bienestar di e gruponan mas vulnerabel den nos comunidad. "Nos lo sigui busca e strategianan mas relevante y efectivo pa fortalece psicologia den e area di salud mental cu ta factibel, efectivo y eficiente pa Aruba" Pieters a afirma. Segun Pieters, salud mental no ta un tema secundario, sino un pilar fundamental pa construcion di un sociedad mas saludabel y mas fuerte pa futuro di Aruba.

Sugerencia pa mehora seguridad y fluho di trafico na Cura Cabay

ORANJESTAD (AAN): Un residente kier a trece na atencion di e autoridadnan un situacion cu ta causa problema di trafico regularmente na e area di Cura Cabay, riba e ruta entre San Nicolas y Oranjestad, cerca di Wendy's, e gasoline station y e establecimiento Keke.

Segun e observacion, e trafico den direccion di Oranjestad ta bira hopi druk na e punto aki, specialmente ora un of mas automobilista kier bira na man robes pa dentra un di e tres establecimentonan menciona. E situacion aki ta provoca cu e resto di trafico ta

keda pega innecesariamente. Pa evita e problema aki, a wordo sugeri pa traha un "sorteervak" (un lane separa) pa automobilistanan cu kier bira na man robes. Di e manera ey, e vehiculonan cu ta sigui pa bay den direccion di playa por sigui circula sin obstaculo ni retraso.

Segun sugerencia, awor ta un momento ideal pa considera e solucion aki, mirando cu na banda drechi di e caminda ta den proceso di desaroyo un shopping mall nobo. E tereno na banda drechi ainda ta habri, loke ta ofrece espacio pa implementa un sorteervak

prome cu asphalt y acera final wordo poni.

Ademas, e mesun tipo di solucion por beneficia trafico den direccion di San Nicolas. Automobilistanan cu kier bira na man drechi pa dentra Wendy's, e gasoline station of Keke por uza un lane separa, sin stroba e fluho normal di trafico.

E sugerencia aki ta wordo poni dilanti di e departamentonan concerni pa considera e posibilidad di implementa un solucion cu por mehora seguridad vial y fluho di trafico den e area.

MAESTRO BENJAMIN

MAESTRO BENJAMIN, UN MAESTRO CU DI BERDAD TA PARA SUFRIMENTO.

Bishit'e abo mes! Maestro Benjamin ta sigui y caba cu e trabao cu otro a cuminsa na otro lugar.

- E ta kita bruheria, hechizos, daños y tambe e ta dera maldicion y salamientos.

- E ta cura y sana tur tipo di enfermedad manera artrosis, alzheimer, demencia, depression, diabetico, hipotiroidismo, osteoporosis, parkinson, insomnia y hopi malesa mas.

Abo mi amigo stima, cu ta sufriendo di bo prostaat of impotencia sexual, Maestro Benjamin tin e tratamento pabo cu lo curabo den un tempo cortico.

"Mi ta cura problema di addiction di droga y alcohol y mi ta recupera bo ser keru sin importa tempo of e distancia."

No sufri mas den silencio pa tur problema tin un solucion y pa tur enfermedad tin un sanacion. Trabao ta 100% garantisa y den un poco tempo.

Yama awe mes of manda un WhatsApp na 641-4186 pa traha bo afspraak.

CEL/ 641-4186



We are the largest retailer in the region, offering many opportunities for growth and development and we are looking for a talented and dedicated individual to become part of our dynamic team.

Head of Country Operations

The Head of Country Operations – Aruba is the second-in-command to the Managing Director and serves as the operational leader for the Aruba business unit. The incumbent is responsible for leading and optimizing the execution of the country's commercial and operational agenda, with direct oversight of Retail Sales, Logistics & Technical Services, and core Financial & Business Management processes. The role carries responsibility for delivering agreed P&L targets for Aruba through disciplined execution, retail sales optimization, increased consumer finance penetration, operational efficiency, and strong governance practices. The Head of Country Operations will ensure that the Aruba operation is aligned to Group and Regional strategic priorities while building a high-performance, customer-centric culture that delivers sustainable growth and profitability.

PRINCIPAL ACCOUNTABILITIES:

FINANCIAL AND BUSINESS MANAGEMENT

- Support the Managing Director in the execution of the country's annual business plan and budget, ensuring alignment with Group strategic objectives.
- Drive delivery of agreed Revenue, Margin, EBIT and Consumer Finance targets for Aruba through strong commercial discipline and operational excellence.

RETAIL SALES OPTIMIZATION & CONSUMER FINANCE PENETRATION

- Lead and optimize retail sales performance across all branches in Aruba, ensuring achievement of sales budgets and productivity targets.
- Drive increased penetration of consumer finance products across retail channels, ensuring alignment between sales, credit and collections disciplines.

LOGISTICS & TECHNICAL SERVICES MANAGEMENT

- Oversee warehouse, distribution, and last-mile delivery operations to ensure service standards, efficiency targets, and inventory controls are achieved.
- Ensure stock management processes, stocktaking activities, and loss prevention controls are executed in accordance with company policy and within acceptable shrinkage ratios.

LEADERSHIP & PEOPLE MANAGEMENT

- Provide strong day-to-day leadership to Departmental Heads and operational managers within Aruba.
- Foster a high-performance culture focused on accountability, collaboration, customer centricity, and results.

EXPERIENCE & QUALIFICATIONS:

- Bachelor's Degree in Business Administration, Management, Finance or a related discipline.
- MBA or Master's Degree in Management or Strategic Leadership would be an asset.
- Minimum five (5) years' experience in a senior leadership or general management role with P&L accountability.
- Strong commercial background within retail, consumer finance, distribution or related sectors.
- Demonstrated track record of driving revenue growth and operational efficiency.
- Strong financial acumen and ability to interpret and act on financial and operational data.

SKILLS & COMPETENCIES:

- Results-oriented and commercially driven
- High level of integrity and accountability
- Strong analytical and problem-solving skills
- Resilient, adaptable and decisive
- Strong leadership and people management capability
- Strategic yet operationally hands-on
- Customer-focused mindset
- Ability to operate effectively in a matrix-influenced regional environment

PLEASE SUBMIT APPLICATIONS TO:

regional_hc@unicomer.com by March 20th, 2026

Paulita (Ita) Ramona Ridderstaat ta ricibi Premio Ovito Tromp 2026 durante Fiesta

Arubiano na Centro di Bario Noord



ORANJESTAD (AAN): Un comite independiente a selecciona Señora Paulita Ramona Ridderstaat cariñosamente yama Sra. Ita como e ganadora di e Premio Mr. Ovito Tromp pa año 2026. E entrega di Premio Mr. Ovito Tromp pa año 2026 na Señora Ita, lo tuma lugar durante e celebracion di e Fiesta Arubiano, cu ta e tradicional celebracion di nos Himno y Bandera na Centro di Bario Noord (CBN). E premio Mr. Ovito Tromp ta distingi Señora Ita pa su trayectoria largo y invaluable como boluntario den e comunidad di Noord y tambe mas aya.

Directiva di Centro di Bario Noord a bishita Señora Ita na su cas, diahuebs ultimo, unda a dun'e e grato noticia cu CBN lo entrega na dje e Premio Mr. Ovito Tromp pa año 2026 como muestra di gran aprecio pa tur su trabounan desplega como boluntario den diferente ramo.

Sra. Ita a informa cu e no tabata spera e premio aki

y cu e ta doblemente feliz y e ta acepta e Premio Mr. Ovito Tromp, tambe na memoria di su mama. Su trabounan como boluntario ta nace for di un tradicion familiar profundo: como yiu muher di Dorothea "Do" Ridderstaat-Gil (1930-1997) y Señor Chepi Ridderstaat, ela hereda un vision di responsabilidad comunitario. Su mama, kende a dedica decadas na trabou boluntario a fungi como e inspiracion principal pa su trayectoria.

Señora Ita ta casa cu Señor Henk Monah. Sra Ita a bay studia na Hulanda na año 1969. Sra Ita a cuminsa su bida laboral na Aruba na año 1974 como asistente di dokter di Dr. Weststrate y Dr. Berlinski na Centro Medico San Nicolaas.

Na año 1990 ela bolbe bay Hulanda pa sigui specialisa su mes. Desde 1992 te cu su edad di pensioen su persona a labora na Horacio Oduber Hospital como enfermera.

Na Aruba, su labor como boluntario a abarca varios decadas y areanan:

- Señora Ita tabata miembro di directiva di Centro di Bario Noord (CBN)
- Señora Ita ta fungiendo como boluntario pa Wilhelmina Kanker Fonds ya pa 27 año, despues di fayecimento di su mama.
- Señora Ita a lidera grupo di AMG.
- Señora Ita tambe a lidera Arubaanse Padvindsters Gilde (Meisjesgilde).
- Señora Ita a fungi como un miembro di directiva di SAC y despues a ser

nombra Miembro Honorario di SAC.

- Señora Ita ta un cantante den Coro di Sta. Anna.
- Señora Ita ta resa cu famia ora di entierro y ta guia.

Sra. Ita a y te ainda ta duna guia, asistencia y conseho informal na hobennan, mayornan, enfermonan y tambe famianan na luto.

Su labor a ser caracteriza pa humildad, positivismo y un dedicacion silencioso pero efectivo y cu un impacto social cul-

tural sin igual den fortalecimiento di nos hubentud y ora di duna sosten na nos adulto mayornan, pashentnan di cancer, y tambe a aporta na nos Carnaval.

E comite independiente a enfatisa cu Señora Ita ta representa un alma bunita cu un curason di oro puro y su impacto riba comunidad ta visibel den e lidernan cu el a forma y e consuelo cu el a ofrece durante decadenan na hopi cu ta consider'e famia y ta eternamente gradecido na dje.



Hospice Atardi

*Nos t'ey pa bo
cu amor y respet*

Fundashon Hospice Atardi zoekt een **Penningmeester**

Over ons:

Fundashon Hospice Atardi zet zich in voor mensen in de laatste fase van hun leven.

Wij doen dit in een 'bijna-thuis-huis' met een team van vrijwilligers en verpleegkundigen in samenwerking met huisartsen.

Het bestuur wordt gevormd door maatschappelijk betrokken vrijwilligers met verschillende achtergronden.

Onze organisatie heeft een financiële medewerker in dienst en werkt samen met een accountantskantoor.

Over de functie:

De functie van Penningmeester is een vrijwilligersfunctie.

Als penningmeester hou je overzicht over de financiën van onze organisatie en adviseer je het bestuur over financiële keuzes en vooruitzichten.

Jij controleert de financiële administratie en het kasboek, levert cijfers aan voor kwartaalrapportages en jaarrekening en bereidt de begroting voor.

Je werkt nauw samen met de financieel administratief medewerker, je onderhoudt contacten met het accountskantoor en bent gesprekspartner met de UO-AZV.

Wij vragen:

(Enige) ervaring met boekhouden of financiële administratie.

Ervaring met Quickbooks.

Beschikbaarheid van gemiddeld 8 uur per maand.

Betrouwbaarheid en integriteit.

Wij bieden:

Een relevante positie in een warm team binnen een kleinschalige organisatie.

Ruimte voor eigen initiatief en meedenken in de strategie.

Interesse?

Stuur dan je motivatie **binnen twee weken** naar mw. B. Britt-Croes, voorzitter FHA,

email: info@hospiceatardi.com

Segun specialistanan di UNOPS, Rogelio Voges y Ione Rodriquez:

Pa final di 2028 Aruba por tin un prizon nobo

Un sistema coreccional mas eficiente, moderno y enfoca riba rehabilitacion

ORANJESTAD (AAN): Durante conferencia di prensa dialuna mainta di Gobierno di Aruba, Minister Arthur Dowers hunto cu specialistanan Rogelio Voges y Ione Rodriquez, a presenta oficialmente e resultado di un estudio tecnico independiente, realisa door di United Nations Office for Project Services (UNOPS), cu tin como meta modernisa e sistema coreccional di Aruba, Korrektie Instituut Aruba (KIA).

Durante e presentacion, e specialistanan di UNOPS a presenta e estado actual di KIA y e posibel solucionnan pa fortalece y modernisa e instituto coreccional. E estudio a wordo haci riba peticion di Gobierno di Aruba.

E resultado di e estudio a enfoca riba e maneho y costo pa



sostene mehoracion den un sistema nobo. Segun Voges, e meta no ta solamente pa amplia capacidad, pero pa crea un sistema mas eficiente, moderno y enfoca riba rehabilitacion. Un concepto clave cu a ser presenta ta un modelo di "campus", cu ta sigui standarnan internacional ora ta trata di rehabilitacion y di

maneho y operacion di un facilidad di detencion. E ta wordo mira como "prizonnan den un prizon", di manera cu por move y ahusta facilmente segun necesidad. Segun Voges, e sistema aki ta sostene un rehabilitacion mas efectivo y tambe un control y supervision optimal pa e personal di KIA. Segun Rodriquez, pa un

pais chikito manera Aruba, un sistema cu por adapta na diferente tipo di detenido ta esencial pa logra rehabilitacion efectivo. Ademas, e estudio ta mustra cu esaki por reduci gastonan anual pa detenido cu te 18%. Importante tambe ta cu e analisis ta indica cu Aruba no mester un prizon hopi mas grandi, sino un miho prizon. E capacidad lo subi levemente, pero enfoca principal ta riba

calidad eficiencia, sostenibilidad y rehabilitacion.

Segun e expertonan, e diseño nobo di e prizon lo tin un bida util di minimo 40 aña. Implementacion di esaki lo tin un duracion di tres aña. E fase di diseño y preparacion lo dura un aña, sigui pa e proceso di construcion di dos aña. Segun planificacion, e proyecto por wordo finalisa pa final di 2028.

Sindicato SEPPA cu protesta dilanti Rey Willem Alexander tocante Ley HOFA



ORANJESTAD (AAN)-- Diaranzon trepan, prome cu e Celebracion di Dia Nacional di Himno y Bandera, Sindicato SEPPA hunto cu su miembronan a manifesta, enfrente di Gabinete di Gobernador y dilanti Rey Willem Alexander y prensa Hulandes, pa protesta contra e Ley HOFA.

SEPPA ta argumenta cu e ley aki ta kita Aruba su autonomia y ta bay contra nos pais su Constitucion. Nan a manifesta nan disgusto via diferente pancarta, cu no a mustra algo bon organiza.

E protesta aki, maske a wordo avisa pa e sindicato mes, no a cay na agrado di hopi ciudadano y sigur no di gobierno.



Verbind en inspireer, stap in de rol die verschil maakt!

De Minister van Koninkrijksrelaties, Onderwijs, Jeugd, Innovatie en Sport, als bevoegd gezag van de Dienst Publieke Scholen, nodigt kandidaten uit om te solliciteren naar de functie van:

OLC Instructeur (1VB)
OLC Medewerker (1VB)

Vind je het leuk om met studenten te werken? Houd je van informatieverstrekking aan jongeren? Ben je communicatief sterk en beschik je over technische vaardigheden? Dan zijn wij op zoek naar jou om ons team in het Open Leercentrum (OLC) van Colegio EPI te versterken!

De functies

- Als **OLC Instructeur** ben je verantwoordelijk voor het begeleiden en motiveren van studenten, en het ondersteunen van docenten en overige personeel op het gebied van technische- en ICT-toepassingen.
- Als **medewerker OLC** ben je het eerste aanspreekpunt (front office) voor studenten en overige personeel. Je beheert het digitale bookingsysteem, verwerkt aanvragen voor ruimtes. Je beantwoordt binnenkomende oproepen, verstrekt informatie en/of verbindt door naar de juiste afdeling of persoon. Je voert lichte ondersteunende administratieve taken uit.

Wie zoeken wij?

Vereisten:

- Afgeronde Mbo-4 met werk- en denkniveau;
- Instructeur:** Brede technische kennis en vaardigheden van ICT en ICT-applicaties;
- Medewerker:** Aantoonbare servicedesk ervaring;
- Goede kennis van Papiament, Nederlands, Engels en Spaans;
- Gedreven, proactief en een teamplayer;
- Affiniteit met leerlingen en studentgerichtheid (de student staat op de eerste plaats).

Jouw profiel:

- Een professionele houding en plichtsgetrouw;
- Klantgericht, flexibel en probleemoplossend;
- Toont initiatief en dynamiek;
- Leergierig en stressbestendig;
- Op de hoogte zijn van de laatste trends en ontwikkelingen op het gebied van ICT.

Wat bieden we jou?

Salariëring en secundaire arbeidsvoorwaarden conform de Bezoldigingsregeling Aruba, de Landsverordening Materieel Ambtenarenrecht en Landsverordening Vakantie en Vrijstelling van Dienst Ambtenaren.

Geïnteresseerd?

Stuur je sollicitatiebrief, voorzien van een CV en kopieën van diploma's, binnen 2 weken na het verschijnen van deze vacature naar: hr@epiaruba.com t.a.v. Het Bevoegd Gezag - Minister van Koninkrijksrelaties, Onderwijs, Jeugd, Innovatie en Sport, d.t.k.v. Managementteam Dienst Publieke Scholen, J.F.K. Education Center, Stadionweg 37.

Vragen?

Voor meer informatie kun je contact opnemen met de HR-afdeling van Colegio EPI: [+297525 8726 / 746](tel:+2975258726) hr@epiaruba.com

Encuentro cu Lidernan di Fraccion di Parlamento y Consejo di Minister na Fort Zoutman



ORANJESTAD (AAN): Na Fort Zoutman, e edificio di beton mas bieu di Aruba y un sitio di defensa historico na Oranjestad, Su Mahestad Rey Willem-Alexander a encontra cu lidernan di fraccionnan di Parlamento di Aruba y e Consejo di Minister. Na su yegada, e representantenan di Comision Celebracion Dianan Nacional (CCDN) a ricibi Su Mahestad. Na entrada di Willem III Toren, e rey a saluda señora Ciria Quant, kende ta celebrando su di 100 cumpleaños riba 18 di maart. Esaki tabata un momento simbolico den cuadro di nos celebracionnan nacional. Durante e combersacion, a

reflexiona riba momentonan historico significativo pa Aruba y pa e Reino Hulandes, incluyendo 70 año di Statuut, 40 año di Status Aparte di Aruba y e 50 aniversario di nos Himno y Bandera. Den e contexto aki, a recorda tambe e lucha historico pa autonomia di Aruba, impulsa pa lidernan grandi manera Shon A. Eman, kende riba dia 18 di maart 1948 a presenta e mocion reconociendo e derecho di Aruba pa separacion administrativo. Tambe a duna balor na e vision di Betico Croes, cu a lidera e movimiento popular pa logra e Status Aparte. Despues di e encuentro na Fort Zoutman, Su Ma-

hestad a sigui den direccion di Bestuurskantoor pa continua cu e programa oficial di e celebracionnan nacional. Na caminda pa Bestuurskantoor, diferente grupo di padvinder a para pa saluda e delegacion real, mientras cu musica di steelpan a crea un ambiente festivo durante e celebracionnan. E encuentro aki a reafirma e balor di dialogo y cooperacion entre e institucionnan democratico di Aruba y e Reino Hulandes. E presencia di Su Mahestad no solamente a fortalece e lasonan den Reino, sino tambe a duna un nificacion special na e celebracionnan historico di nos isla.



STATEN VAN ARUBA

DOORGANG OPENBARE BIJENKOMST OP
19 MAART 2026 OM
14:00 UUR N.M. IN DE VERGADERZAAL VAN
DE STATEN VAN ARUBA

TE BEHANDELEN ONDERWERP

Agenda:

Gedachtewisseling met 13 vakbonden inzake hun standpunt betreffende het conceptvoorstel van rijkswet tot het bereiken van houdbare overheidsfinanciën Aruba (Rijkswet houdbare overheidsfinanciën Aruba)

De Griffier,
mr.drs. Herman Ch. J. Hek

Vocero di Union Sindical ta aplica kico e Consensus Rijkswet cu Aruba y Hulanda a firma ta nifica

ORANJESTAD (AAN)--Hose Figaroa, Vocero di Union Sindical Aruba, den entrevista cu Matutino DIARIO a reitera, kico un Rijkswet ta encera.

“Aki na Aruba, loke nos ta deal cu ne, loke nos traha cu ne, normalmente, ta nos legislacion local, nos Landsverordening, nos leyman cu ta wordo traha door di nos propio Parlamento, cual ta wordo scogi door di nos pueblo, pa papia y tuma decisionnan den nos nomber, y pa hiba nos deseonan tambe pa cu e rumbo cu nos kier hiba nos pais y pa guia nos pais den e direccion eynan”, Asina mr.

Hose Figaroa a expresa.

Figaroa a señala cu e diferencia di e leyman cu generalmente nos ta custumbra cu ne, y un rijkswet ta cu esaki ta un ley na nivel di Reino Hulandes.

“Pues, den un Rijkswet e rol di Parlamento di Aruba, practicamente ta no existente. E ta un ley cu ta wordo trata na Hulanda, cu ta wordo discuti den Parlamento na Hulanda, cu tambe ta un Organo, cu tambe ta un Parlamento pero cu no ta wordo scogi door di pueblo Arubano. No ta un Parlamento cu ta na haltura di kico ta come y bebe den nos pais; e ta un Parlamento

cu ta wordo scogi pa pueblo hulandes pa atende cu asuntonan di Hulanda. Den e caso aki e no ta un Rijkswet sin mas, e ta wordo papia di un ‘Consensus Rijkswet’. Kico e diferencia ta cu un Rijkswet normal? E diferencia ta, eigenlijk uno chikito. E kermen cu e Rijkswet no ta nace sin mas, sino cu e ta nace di un acuerdo di e paisnan envolvi, den e caso aki, Aruba y Hulanda, e ta nace for di e deseo di ambos pais pa regla un asunto pa medio di un Rijkswet”, mr. Hose Figaroa a relata.

Interesante di un Consensus Rijkswet ta tambe, ta cu e



mester existi durante henter e proceso pa prepara y yega na e Rijkswet aki, sinembargo una bez e bira un ley e ta bira un Rijkswet normal.

El a splica cu pa yega na un Rijkswet di consenso mester ta basa riba un acuerdo, y Aruba a firma un acuerdo cu Hulanda na cierto momento bao e signatura di e gobierno anterior. “Pues hecho ta cu nos a yega na un acuerdo cu Hulanda pa encamina e proceso den un Consensus

Rijkswet, sinembargo e pregunta cu ta bin ta, e hecho cu na e momento ey nos a bay di acuerdo cu esaki, kermen cu nos ta mara na man cu pia, na cumpli cu full e proceso aki? Anto akinan ta unda nos tin cu para keto pasobra loke nos ta tende di algun miembro di Parlamento di Aruba, y a wordo menciona door di Hulanda tambe, ta cu tin un palabracion pa cumpli cu ne, y cu afspraak ta afsprak”, mr. Hose Figaroa a remarca.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE **GRATIS**. MAS BO CUMpra, MAS TICKET LOCO **GRATIS** BO LO RICIBI!

PROMOCION TA VALIDO DESDE 1 DI MAART TE CU 31 DI MAART

www.lottoaruba.com

Facebook, Twitter, YouTube, Instagram icons

lotto Cambiando vida.

COMENTARIO:

Feliz Dia di Himno y Bandera mi ta desea na henter pueblo di Aruba

Skirbi pa Mercedes Monge

Cu hopi stimacion y gratitud na mi curazon, mente y spirito, mi ta desea henter pueblo di Aruba un hopi feliz Dia di Himno y Bandera celebrando 50 aña, y 40 Aniversario di Aruba su Status Aparte.



Cu orguyo mi tin cu bisa cu aki na Aruba a nace mi cinco nietonan, y mi dos yiunan ta akinan a lanta for di scol primario y secundario, a studia haci un carera y awendia ta dos profesional cu nan propio desaroyo, nan famia, cu nan soñonan, deseo y proyectonan pa sigui crece y avanza mas como ciudadanonan di e Isla bunita, privilegia y stima aki, cu yama Aruba. Nos Aruba dushi tera. Danki Aruba, pasobra ta akinan unda mi a desaroya como reportero y te ainda ta sigui cana riba e riel di periodismo, mi carera stima, aki na Aruba. Asina mes, ainda cu un trayectoria di casi 34 aña, di cana na pia of transporta den bus, entre cas y trabao, mi ta sigui ta un hende util den nos comunidad, y mi ta hopi gradici na Dios na prome lugar, y na e famia Mansur y nos famia di DIARIO, pa nan acogida di tanto aña, te cu Dios dicidi otro. Mi deseo sincero cu pueblo di Aruba henter goza di nos Dia Nacional, y cu sigui briya eternamente como nos “Aruba dushi tera, nos baranca tan stima”!

Di situacion inacceptabel na accion concreto:


Renobacion na OC Dakota ta avansando

ORANJESTAD (AAN): Diamars mainta, Minister di Husticia, Integracion, Transporte Publico y Energia, mr. drs. Arthur Dowers, a haci un bishita na Centro Orthopedagogico Dakota den contexto di celebracion di Dia di Himno y Bandera. Durante e bishita, e minister a tuma e oportunidad pa inspecciona e trabaonan di renobacion cu a cuminsa algun siman pasa, y a expresa satisfaccion cu e progreso visibel, cu e cushinanan awor completamente cla.

Na comienso di su tercer termino como minister di husticia, Dowers a haci su bishita di introduccion na e facilidad di OC Dakota, unda e a constata un situacion serio y inacceptabel. E minister anterior a laga e centro den un estado deplorable, cu espacionan di uzo diario pa e hobennan yen di schimmel, dak cu ta lek ora di yobida, y presencia di comehein cu a causa daño significativo na e infraestructura, incluyendo cabinetnan di cushina. Segun e minister, esaki no ta un situacion digno pa ningun persona, y sigur no pa un facilidad bao responsabilidad di gobierno.

Confronta cu e situacion aki, Minister Dowers a tuma paso inmediato hunto cu directiva di OC pa crea un plan di accion concreto pa drecha e situacion. Awe, e resultado ta visibel: cada blok ta conta cu un cushina completamente nobo, a trata e murayanan pa preveni humedad, y tin control temporal riba e situacion

di comehein, mientras cu ta sigui traha riba solucionnan structural. Actualmente, OC Dakota ta atende 15 hoben cu ta sigui un programa di guia y coreccion. Cu cada paso di mejoracion, dignidad ta bolbe poco poco den e facilidad, tanto pa e hobennan como pa e profesionalnan cu ta traha den circunstancianan dificil. E siguiente fase di e proyecto ta enfoca riba reparacion di e daknan cu ta lek den varios blok y elimina e problema di comehein sistematicamente. Despues, lo sigui cu mehoracion di e espacionan di descanso y otro espacionnan funcional den e facilidad. Minister Dowers a expresa su gratitud profundo na e empleadonan di Centro Orthopedagogico Dakota, reconociendo nan compromiso, determinacion y profesionalismo, apesar di e circunstancianan dificil den cual nan a sigui cumpli cu nan tarea di gran importancia social.



Casonan Penal pa wordo trata den Corte di Husticia na Aruba

Casonan di Diahuebs 19 Maart 2026



Horario	Sospechoso	Acto Castigable
8:30 am	T.M.P.	Sospechoso M.P. ta wordo acusa di comete abuso sexual riba un persona riba 6 di Februari 2025.
10:00 am	J.A.M.	Sospechoso M. ta wordo acusa di a maltrata un persona riba 27 di October 2024, door di dal'e varios biaha den cara.
10:25 am	F.D.G.	Sospechoso G. ta wordo acusa di a maltrata un persona cu un boter di cerbez riba su cabez riba 10 di Mei 2025 y di a bisa un otro persona cu e lo cende un of mas di su botonan na candela riba e mes fecha.
11:00 am	J.V.R.P.	Sospechoso R.P. ta wordo acusa di a maltrata un persona door di dal'e varios biaha cu mokete den cara riba 14 di November 2025 y di a menaz'e cu morto.
11:45 am	D.M.H.	Sospechoso H. ta wordo acusa di a interncionalmente yuda un persona pa scapa di detencion riba 16 di December 2025, door di bisa Polis cu ta e ta chauffeur di un auto, mientras en realidad tabata otro persona.
1:30 pm	E.J.L.S.	Sospechoso L.S. ta wordo acusa di a menaza un persona cu maltrato y/of cendemento di candela riba 13 di October 2025.
2:05 pm	S.S.E.B.	Sospechoso B. ta wordo acusa di ladronicia y encubrimiento di un smartphone riba 9 di April 2024.
3:00 pm	M.E.C.	Sospechoso C. ta wordo acusa di a maltrata un persona riba 3 di April 2025 y di e destrui auto di un otro persona riba e mes fecha.
3:45 pm	A.J.A.	Sospechoso A. ta wordo acusa di a maltrata un persona riba 15 di Februari 2025, door di dal y scop-e varios biaha na su curpa y cabez.

ORANJESTAD (AAN): For di Ministerio Publico, esaki ta e lista di caso penal cu lo wordo trata riba Diahuebs 19 Maart 2026

den Sala di Corte di Husticia na Aruba. E informacion aki a wordo suministra door di Ministerio Publico.

Señora Cira Quandt a ricibi saludo special pa su 100 año di edad, for di Su Mahestad

ORANJESTAD (AAN)-- E bishita di Su Mahestad Rey Willem Alexander a wordo ricibi cu hopi cariño y emocion pa pueblo di Aruba, y por a mira cantidad di hende banda di Gabinete di Gobernador, pa mira e Rey di cerca, y saca potret di dje, ora el a sali for di Gabinete hunto cu Gobernador Alfonso Boekhoudt, y un delegacion cu a compaña. Por a mira Su Mahestad sonriente, saludando e comunidad presente.

Un momento hopi emotivo ta ora Rey Willem Alexander a acerca señora Cira Quandt, ken tabata celebrando di cien año di natalicio, y a ricibi un saludo y felicitacion special di



su Mahestad y di Gobernador. Su Mahestad Rey Willem Alexander, cu un bunita gesto di a ofrece e dama un ramo di flor. El a bishita diferente otro lugar, dentro di e programa protocolar cu a wordo prepara pa e ocasion aki, cu Aruba a celebra su 50 año di su Dia Nacional di Himno y Bandera, y a conmemora 40 año di Status Aparte.



Durante evento pa celebra Aruba su Dia Nacional:

Claudia Daher-Ponson a ricibi gran acogida cu su buki R.A.T.S, na Super Do it Center

ORANJESTAD (AAN)-- Cu gran acogida, autor di "R.A.T.S" (Revolutionary Army of Teens-We Are One), Claudia Daher-Ponson, a presenta su obra aki na e publico durante e gran evento cu a tuma luga na Super Do it Center, Diaranson 18 di Maart, cu a wordo conmem-

ora e di 50 año di nos Dia Nacional Himno y Bandera y e di 40 Aniversario di Aruba su Status Aparte.

Den un entrevista cu Matutino DIARIO, autor di R.A.T.S a menciona cu e obra aki ta papia di tur e hobennan teenager di mundo, cu ta uni pa salba e planeta di tur e cosnan negativo cu ta sosodiendo.

Nan ta uni pa traha hunto. "E buki ta elabora riba inteligencia artificial, cambio climatico y union global. Esaki independiente di nan religion, nivel social, raza, etc. E hobennan ta e unico forza cu por ataca tur loke ta biniendo pa dañá e planeta, y cu ta nos mes for di milenianan atras",

Daher a bisa. E buki ta papia di unidad, balor familiar.

Señora Claudia Daher a gana un premio na New York, ta recore mundo, Australia, Japon, henter Europa, Merca y America Latina y el a yega cerca diferente actor famoso di Hollywood.

E buki a wordo publica na London.

"E protagonista ta Arubiano, anto e muchanan ta sali for di Aruba pa salba e planeta y pa duna ehemplo, pasobra aki na Aruba nos no ta mira e diferencia di color, di color, condicion social, y nos tur ta biba na paz", e dama a subraya.

E buki aki ta un combinacion di ciencia ficcion y realidad, y e storia ta culmina na 2024, y e ora ey e lector ta bay mira kico ta bay sosode cu nos planeta. "Nos ta wak kico ta sosode cu e mundo aworaki: guerra, falta di respet, tin diferencia di religion, y e buki ta trece tur cos pa trece amor bek y pa Dios, pasobra si Dios ta uno, nos ta uno", Claudia Daher a acentua.

R.A.T.S "Revolutionary Army of Teen" desde su lansamento na 2024 a bira un exito rotundo, globalmente.



Rey Willem-Alexander a presencia inicio di construcion di 'Warm-up Pool' na Piscina Olimpico Roly Bisslik

ORANJESTAD (AAN):

Como parti di su bishita oficial na Aruba den marco di celebracion di 40 aña di Status Aparte y 50 aña di Himno y Bandera, Su Mahestad Willem-Alexander a participa den un momento special dedica na deporte y desaroyo di talento atletico di Aruba.

Despues di e ceremonia protocolario den Oranjestad, e Rey a ser traslada pa Piscina Olimpico Roly Bisslik na Savaneta, caminda a tuma luga e acto simbolico di inicio di construcion di un 'Warm-up Pool', un facilidad adicional cu lo fortalece e infraestructura deportivo pa natacion na Aruba.

Ricibimento y participacion di deportistanan

Durante e yegada di e Rey, representante di e federacionnan di natacion y deportistanan di Aruba a duna un caluroso bonbini. Minister di Deporte, sra. mr. Gerlien Croes a ser acompaña pa e presidente di Aruba Aquatics Federation, Edrick Winterdal, cu a dirigi palabra di ricibimento, despues di cual e Rey a tuma asiento pa observa demostracion di diferente disciplina di natacion presenta door di atleta local.

Como parti di e programa, algun di e deportistanan cu recientemente a representa Aruba na escenario internacional, a haya oportunidad pa encontra e Rey. Entre nan tin Kyra Hoevertsz (Natacion Artistico), Patrick Groters (Natacion), Avi Tromp (Natacion) y Britta Schwengle (Open Water Swimming). E momento aki a inclui tambe un momento di potret hunto cu e grupo di atleta presente. Inicio simbolico di construcion

Un di e momentonan central di e bishita tabata e presentacion di e proyecto di e warm-up pool nobo, despues di cual Su Mahestad lo a participa den e acto simbolico di inicio di construcion di e facilidad deportivo.

E facilidad nobo lo contribui significativamente na mehoracion di e infraestructura deportivo di Aruba y lo brinda mas oportunidad pa entrenamiento y desaroyo di talento den deporte di natacion.

Durante e actividad, Vice



Prome Minister di Aruba, sra. mr. Gerlien Croes y representante di sector deportivo, a mustra nan compromiso continuo pa promove deporte y estilo di bida saludabel na Aruba.

Despues di e ceremonia, deportistanan a despidi di e Rey cu un saludo special mientras e delegacion real a continua cu e siguiente punto den e programa oficial di su bishita na Aruba.



Rey Willem-Alexander a planta un Pal'i Sia Cora na honor di naturalesa y medio ambiente



ORANJESTAD (AAN): Durante su bishita na Aruba, Rey Willem-Alexander a forma parti di un actividad enfoca riba naturalesa y medio ambiente, cu ta forma parti di e iniciativa "Vergroening Aruba". E evento a tuma luga na Urban Pocket Park na Oranjestad, cerca di Plaza Monument der Gevallen na Adriaan Laclé Boulevard.

E Rey a wordo ricibi pa e conseheronan di naturalesa y medio ambiente Françoëlle Laclé y Daphne Every, hunto cu Minister President Mike Eman y Minister di Vivienda, Infraestructura, Servicio Interno y Telecomunicacion Rene Herdê. Durante e bishita a duna un splicacion tocante e programa Nacional di Reforestacion y Berde Urbano, cu tin como meta pa mehora medio ambiente y e calidad di bida na nos isla.

Como parti di e actividad, dignatarionan y hobennan di diferente organisacion a planta aproximadamente 140 palo, cu sosten di boluntarionan. Durante un paseo den e parke, Rey Willem-Alexander a papia cu Minister Herdê tocante e vision pa desaroyo urbano di Oranjestad.

Na e actividad tawatin representantenan di varios organisacion di hoben y institucion social, entre nan organisacionnan cu ta brinda sosten na mucha cu limitacion manera Trampolin pa Trabou y FEPOH, hunto cu representante di scolnan di Educacion Special, Deporte Hubenil y Parlamento Hubenil di Aruba. Durante un combersacion informal, e hobennan a comparti nan motivacion pa contribui na proteccion di naturalesa y pa haci Aruba mas berde.

E momento cu mas a resalta durante e actividad tawata ora Rey Willem-Alexander, Gobernador di Aruba Alfonso Boekhoudt, Minister President Mike Eman y Minister di Vivienda, Infraestructura, Servicio Interno y Telecomunicacion Rene Herdê a planta un palo nativo grandi, un Pal'i Sia Cora, meymey di e parke. E actividad a culmina ora a saca un portret di ful e grupo di boluntario di e organisacionnan hubenil hunto cu resto di e participantenan. Despues di esaki, e delegacion a sigui nan programa cu un bishita na Fundacion Movimento ta Bida.




Pueblo en general cu tremendo acogida pa celebracion di Dia Nacional cu Super Do It Center

ORANJESTAD (AAN)-- No solamente e comunidad di Noord, pero pueblo henter a duna un tremendo acogida y contesta hopi positivo na e invitacion di Super Do It Center, riba Dia di Himno y Bandera, pa forma un gran familia nacional celebrando hunto nos 50 aña di Himno y Bandera, y e di 40 Aniversario di Status Aparte.

Asina aki hopi familia mes y personanan individual a presenta na e yamado aki, y no por laga afo cu varios turista tambe a probecha di e bunita evento aki.

Un evento di cual tur hende a sali contento y satisfecho, y goza un mundo di un dia espectacular, cu bon ambiente musical, atraccion pa e chikitanan, expo di autonan classic, y sin papia mes di e cuminda delicioso cu tabata tin.

Riba combinacion di potret por aprecia momentonan inolvidable na Super Do It Center na Shaba, cual hopi hende ta desea pa e bira un tradicion di awo padilanti, den nos Dia Nacional.





**RESULTADO DI SORTEONAN
PA CORTESIA DI CADENA ALEXANDER**
DIAMARS 17 MAART 2026

DIARIO			
2340 3325 9394	17-Mar 4731 0898 8299	18 Mar 1413 4535 3039	MERDIA 4351 3926 4128 ANOCHI 0816 0555 1580 MULTI- X X2 X2
			
MERDIA 9591	ANOCHI 5320	MERDIA 982 X2	ANOCHI 690 FP
MERDIA 3787 X2	ANOCHI 2676 X2	6263	
 04-06-15-17-23			

BUSCA PALABRA

A	E	A	W	R	U	O	L	A	N	A	N
U	A	B	O	L	A	B	A	D	E	R	A
B	A	M	B	I	E	N	T	O	L	E	A
I	T	M	W	E	M	L	V	L	L	U	U
T	L	V	S	A	A	M	S	U	A	L	E
A	T	C	M	E	Y	A	S	E	E	B	E
A	S	U	S	B	R	A	M	B	E	A	E
S	T	L	R	D	A	A	M	M	T	M	T
A	O	A	L	O	S	S	U	E	I	A	R
R	F	O	T	U	R	B	A	C	N	L	L
S	U	P	L	A	M	E	N	T	O	T	O
A	L	A	E	S	S	A	H	A	R	A	O
U	M	B	A	N	L	E	B	I	S	I	V
L	O	I	E	O	S	L	O	R	U	D	U

Suplemento	Cuaresma	Lama	Stof
Wayamento	Biento	Olanan	Duro
Labadera	Bruto	Sahara	Visibel

> SUDOKU <

King Classic Sudoku

						1	6	3
6	2			1			9	
		4	7					5
2			3	5		9	7	
		3			4			
4	5	9	6	2				8
9				7		5		6
5	6				2		4	
3								9

Difficulty: ★★★ 4-19

**Hari Un Tiki**

Un criado di bestia tabata cuidando tur su cabritonan den e cunucu grandi cu e tin riba terenonan di su welo, y tambe tatarawelo.

E ta un homber cu ta stima y sigui religion semper cu hopi animo. Tur Diadomingo e ta bay Misa pa haci su oracionnan.

Pero diripiente despues di un dia largo canando y cuidando su cabritonan den cuatro cunucu diferente, anochi el a bin ripara cu el a perde su Bijbel.

El a purba di check si e por a haya e Bijbel, pero pa nada e no tabata logra.

Siunembargo pa su sorpresa, tres siman despues un Cabrito a yega cerca dje, cargando e Bijbel den su boca.

E criado no por a kere su wowonan. El a tuma e buki tan adora for di e boca di Cabrito, a hisa su wowonan pa cielo, y a grita: *“Esaki ta un milagro!”*

E cabrito a contesta: *“-Nada di milagro. Bo nomber ta djis skirbi den e parti dilanti di e kafi di e Bijbel”.*

Solucion Anterior

3	6	9	4	2	5	7	1	8
1	7	2	3	6	8	9	5	4
8	5	4	9	1	7	6	3	2
7	9	3	8	4	1	5	2	6
2	1	5	7	9	6	4	8	3
6	4	8	5	3	2	1	9	7
4	3	7	2	5	9	8	6	1
9	2	1	6	8	4	3	7	5
5	8	6	1	7	3	2	4	9

Difficulty: ★ 4-17

Mini Mega

Diamars 17 Maart 2026
Sorteo# 1853

07 10 23 30

...Mega Ball: 10

1^{er} Premio: Tin 0 ganador Jackpot

2^{do} Premio: Tin 0 ganador Match 4

3^{er} Premio: Tin 4 ganador Afl. 500,00

4^{to} Premio: Tin 72 ganador di Afl. 50,00

5^{er} Premio: Tin 116 ganador di Afl. 15,00

Jackpot pa e proximo Sorteo di Mini Mega 10 Maart 2026
Afl. 360.000,- MEGA PLUS Afl. 540.000,-

EMERGENCIA NA ARUBA
Diahuebs 19 Maart 2026

DOCTER NA WARDA
SAN NICOLAS:
Pa San Nicolas, Docter lo ta na H.A.P. ImSan.
Docter tey for di 6’or di anochi te 10’or di anochi.

BOTICA NA WARDA
PARIBA DI BRUG:
Botica 4 Centro Medico
Bernhardstraat 55
Telefon 584-5794

ORANJESTAD:
Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.

PABAO DI BRUG:
Botica Santa Anna NV
Noord 41-B
Telefon 586-8181
Telefon: 586-4010

Stop di benta sushi den mondi!

**ALMANAC**

**Bahada y salida di solo na Aruba**
—19 Maart 2026
Solo ta baha: 6:51 p.m.
—20 Maart 2026
Solo ta sali: 6:45 a.m.
Solo ta baha: 6:51 p.m.
—21 Maart 2026
Solo ta sali: 6:44 a.m.
Solo ta baha: 6:51 p.m.
—22 Maart 2026
Solo ta sali: 6:43 a.m.
Solo ta baha: 6:51 p.m.

**Lista di Crusero di bishita na Aruba**
—Diahuebs 19 Mar. 2026:
MSC Divina:
(08:00 - 18:00)
Azamara Quest:
(09:30 - 22:00)
—Diabierna 20 Mar. 2026:
Caribbean Princess:
(09:00 - 22:00)
Norwegian Star:
(11:00 - 20:00)
—Diadomingo 22 Mar. 2026:
Celebrity Ascent:
(09:00 - 23:00)
—Dialuna 23 Mar. 2026:
Marella Discovery 2:
(08:00 - 20:00)
—Diamars 24 Mar. 2026:
Norwegian Sky:
(13:30 - 22:30)
Oasis of the Seas:
(08:00 - 23:00)
—Diaranson 25 Mar. 2026:

Bo mester di un hende pa Scucha bo ??
**SOS TELE AYUDO**
Tel: 583-1190
Anonimo y Confidencial

Team di Aresto a actua pero no a produci suficiente prueba

Hues a declara dos homber liber di posecion di arma di candela den auto



ORANJESTAD (AAN): Re-cien tabatin un sentencia interesante den Corte di Hus-ticia di un caso penal contra e hombernan J.B. y T.W. Ta asina cu J.B. so ta deteni.

J.B. a worde acusa cu riba 15 December 2025, e tabata den posecion di arma, a muestra arma y menaza hende cu e arma. T.W. y J.B. a wordo acusa cu riba 21 December 2025 e tabata den posecion di arma y tambe posecion di marihuana.

NO PROBA MENAZA CU ARMA

Hues a cuminsa cu J.B. y a muestra cu e no ta haya proba cu J.B. tabata den posecion di arma y menaza cu esaki. Hues si ta haya cu J.B. a menaza 2 persona esta e hombernan W. y G. Hues a muestra cu ta solamente W. a bisa Polis cu el a mira J.B. cu un arma. G. a bisa Polis cu e no a mira arma.

Hues a remarca cu un arma cu lo ta sali for di e carson manera W. tra bisa, lo mester tabata visible pa G. Hues a bisa cu W. tabata papia di un revolver. W. lo a bisa cu otrotronan cu J.B. tin un revolver. Hues a conclui cu e no ta haya declaracion di W. confi-label. No por confirma cu J.B. tin revolver. Hues a declara J.B. liber di menaza cu arma. Hues a sigui bisa cu e ta haya J.B. culpabel di a menaza W. y G.

NO PROBA POSECON DI ARMA DEN AUTO

Hues a muestra cu dia 21 December 2025, Team di Aresto a para J.B. y T.W. cu tabata den un auto. Miembronan

di Team di Aresto a mira un arma den e compartimento mey mey den e auto. A resulta cu e arma tabata un revolver cu bala.

Hues a mostra cu e dia ey, J.B., un rato promer cu el a wordo deteni pa e Team di Aresto, el a subi e auto y tabata core e auto. E revolver tabata den mey mey den e auto y tabata lora den paña. T.W. tabata core e auto promer y despues J.B. a bay stuur. Tanto J.B. y T.W. ta desmenti di sa algo di e arma. E droga tabata di J.B.

Hues no ta haya proba cu J.B. y T.W. tabata conciente

di e arma di candela. Hues a remarca cu Polis no a haci investigacion pa saca afor kende realmente ta doño di e arma. Hues a declara tanto J.B. como T.W. liber di e acusacion di posecion di arma di candela den auto. Hues ta haya solamente cu J.B. a menaza W. y G. cu morto y 21 December 2025, e tabata den posecion di marihuana.

Pa cu e castigo, Hues a bisa cu e menaza cu morto ta tacha e hendenan nan sentimento di seguridad. Tambe e posecion di marihuana ta castigabel. Hues a bisa cu e ta tene cuen-

ta cu anterior J.B. a wordo condena pa posecion di arma y droga. Hues a condena J.B. na 4 luna di prison. E arma

lo mester wordo destrui. Pa loke ta T.W., Hues a declar'e liber.



Reflexion den tempo di Cuaresma

Josef e soñado

Genesis 37 te 50 ta conta e bida di Josef

Presenta pa:
Jose Rodrigues do Vale

Ya historia a revela nos Abraham y Isaac. Laga nos wak awor e historia di Jacob. E tabatin 12 yiu homber kendenan tabata e 12 jefenan di e 12 tribunan di Israel. Nan number tabata Ruben, Simeon, Levi, Juda, Dan, Naftali,



Gad, Aser, Isacar, Zabulon, Josef y Benjamin. Nan tata tabatin predileccion pa Josef locual cu a haci cu su rumannan a sinti envidia te yega na odie, pasobra nan tata Jacob tabata stima Josef masha hopi mes y a laga traha un tunica luhoso pe. Josef ta tin

revelashon di interpretacion di soñonan straño. Y un dia e rumannan di Josef tabata tira un bista na e rebañonan den e pastosnan berde di e dushi llanura di Esdrelon. Net den e ruta di e caravananan cu ta bayendo di Siria pa Egipto. Wel esaki tabata e oportunidad pa su rumannan cu na prome instante a planea pa mate, pero despues ta cambia di idea y ta bende cu e comerciantenan cu ta den e caravana rumbo pa Egipto. Prome cu nan a bende, e rumannan a gara Josef y kita e tunica for di dje y a mata un animal y dop e tunica den e sanger di e animal pa asina hibe pa nan tata y laga pasa cu ta un animal feroz a devora Josef.

Josef tabata di nechi aparencia y Dios tabata cune y ta tin un plan misterioso cu Josef.

Pa asina e portanan di Egipto habri pa Israel, e futuro pueblo di Dios. Na yegada na Egipto Josef ta wordo sera den un calaboso door di un acusacion falso di e muhe di Putifar, hefe di e guardianan di e Farao. Pero un dia e Farao tabatin un soño misterioso cu ningun di su sabionan na Egipto por a interprete. Solamente Josef por a interpreta e soño misterioso di e Farao. Entre otro locual ta nifica e soño di 7 baca flaco y 7 baca gordo tabata anuncia cu lo bin 7 año di hambresa y e 7 año di abundancia pa e pais di Egipto. Mester a prepara un plan importante pa ora e tempo di 7 año di miseria yega. Y e plantacion nan di trigo cu mester a conserva den e 7 año di abundancia pa diana di hamber locual a haci cu e Farao a comberti Josef den e virrey di tur Egipto y tur e bienenan di e Farao Josef tambe tabata posee.

Y ora e miseria a yega den tur e regionnan solamente Egipto ta tin trigo di reserva cu por a bende. Un dia Jacob a manda su yiunan pa Egipto debi cu e a haya sa cu Egipto den tur e regionnan den cercania Egipto so ta tin trigo di reserva. Ora Jacob su yiunan a yega Egipto pa na sorpresa Josef tabata e Farao di Egipto. Nan a reconoce y nan a repenti di loke nan a haci cune. Josef a pordona nan y despues a manda busca Jacob su tata y su resto di famianan pa bin biba na Egipto cerca dje.

Den otro palabra, Josef tabata manera e figura di Jesus, e yiu predilecto di su tata cu a wordo bendi pa su rumanan ken nan Jozef a pordona y salba.

Columna E Sembrado



Diamars 3 maart. Di dos siman di Cuaresma año 2026
Ciclo A

Calendario Liturgico

Lectura: 2 Samuel 7,4-5.12-14.16;

Salmo: 89;

Di dos lectura: Romanonan 4,13.16-18.22;

Evangelio: Mateo 1, 16.18-21.24 of Lucas 2,41-51;

**Jacob tawata tata di Hose, casa di Maria;
Maria tawata mama di Hesus, cu nan a yama
Mesias.(Mateo 1,16)**

E Evangelio di awe ta papia di e salimento na estado di Maria, di Hesus y e obediencia di Hose, destacando fe meymey di e incertidumbre. Dios ta interveni pa trece salvacion convirtiendo Hose den wardador di e Salvador ora el a acepta Maria y a pone number pa Hesus. Awor nos ta bin cu puntonan clave pa e reflexion.

- E fe di San Hose ta defini'e como homber husto cu ta experimenta incertidumbre, pero su obediencia ta luci y no ta ciego.
- Intervencion divino. (Spirito Santo) Nacemento di Hesus ta obra di Spirito Santo.
- Emanuel (Dios cu nos) Hesus ta trece salvacion real "door di salba su pueblo di nan picanan."
- Supera huicio humano: Hose ta dicidi pa no denuncia Maria publicamente, eligiendo husticia basa riba misericordia.
- Aceptacion: Ta un yamada pa acepta plannan di Dios den nos bida diario.

Oracion. Señor danki pa manda nos, Cristo nos Salvador y yuda nos pa semper tin'E den nos curason y mente. Amen.

Grupo Centro Pastoral Aruba

DEPORTE INTERNACIONAL

Dolphins ta manda Waddle pa Broncos pa escogencia di prome rond



NEW YORK: New York Jets ta finalizando un cambio cu lo manda quarterback Justin Fields pa Kansas City Chiefs, segun Adam Schefter di ESPN.

Jets lo ricibi un escogencia den di 6 rond di e draft di 2027, segun Tom Pelissero di NFL Network.

Tabata tin otro ekiponan interesa pero Fields a prefera di firma cu Chiefs, Schefter a reporta.

Fields lo ta e opcion como quarterback cerca Kansas City si Patrick Mahomes no a recupera ainda pa por hunga e prome siman di temporada.

E tres biaha champion di Super Bowl a scheur su ACL den luna di December y esey ta pone cu su status pa temporada di 2026 ta insegur.

Chiefs lo paga solamente 3 miyon dollar di e 10 miyon dollar na placa garantisa cu Fields lo cobra e temporada nobo.

Jets a firma un contrato cu Fields di 2 aña, na balor di 40 miyon dollar aña pasa den agencia liber.

Sinembargo e no tabata tin un mucho bon temporada den su unico aña na New York.

El a caba cu un record di 2-7.

PSV ta bende Ricardo Pepi cu Fulham pa 40 miyon euro



EINDHOVEN: PSV practicamente sigur ta bay bende Ricardo Pepi cu Fulham.

E delantero Mericano a cambio di alrededor di 40 miyon euro ta bayendo pa hunga den Premier League di Inglatera.

Den e acuerdo cu ta contene diferente opcion, PSV por gana algun extra miyon euro si Fulham un dia bende e hungador cu otro ekipo.

Fulham cu actualmente ta na di 11 lugar di Premiere

League pa mas di un aña caba tabata bezig purbando di tumover Pepi for di PSV.

Na Januari e club di Londres a haci un oferta na PSV pero e club di Eindhoven a rechasa esaki.

Sporting Lisboa a gana 5-0 den extra tempo pa elimina Bodo for di Champions League



LISBOA: Despues cu Bodo Glimt na cas a logra gana Sporting Lisboa 3-0 siman pasa, tur cos tabata indica cu e chens tabata basta grandi cu e ekipo di Noruega lo pasa pa quart final di Champions League.

Sinembargo Sporting na cas a hunga un tremendo wega y a gana tempo regular 3-0.

Esey a pone cu e ekiponan mester a hunga extra tempo y eyan e club Portugues a anota dos gol pa gana e wega 5-3 y asina elimina Bodo.

E prome gol di Sporting a wordo anota pa Goncalo Inacio den di 34 minuut y den di 61 minuut Pedro Goncalves a anota e 2-0.

Ora cu den di 79 minuut Luis Suarez a anota un penalty pa pone e score na 3-0 e fanaticonan na Lisboa a bira loco.

E gol cu a manda Sporting pa e quart final a wordo anota pa Maximiliano Araujo den di 92 minuut, mientras cu pa sigura e pase pa e rond di ultimo 8, Rafael Ferreira Nel a anota e di 5 gol pa e ekipo Portugues den di 120 minuut.

Venezuela a gana Merca pa logra prome titulo di WBC



MIAMI: E final di e World Baseball Classic no a desapunta.

Diamars anochi na Miami e seleccionnan di Merca y Venezuela a bataya otro cu hopi emocion y den un wega unda cu picheo a domina mas tanto, Venezuela a logra gana Merca 3-2 pa logra nan prome titulo di WBC.

Eduardo Rodriguez tabata hopi bon riba monticulo pa Venezuela y a permiti apenas 1 hit den 4 in-

ning y 1 tercio.

Di otro banda Nolan McLean tambe a bay 4 inning y 1 tercio y a permiti 2 careda.

Perdi 2-0 Merca a haya speranza bek ora cu Bryce Harper a bati un homerun di dos careda pa empata e wega 2-2.

Sinembargo Eugenio Suarez den di 9 inning a bati un hit pa impulsa e tercer careda pa Venezuela pa duna nan e triunfo historico.



Noticianan for di Hulanda

Guera den Medio Oriente ta pone cu hipoteca na Hulanda ta bira mas caro



AMSTERDAM: Te cu un luna pasa tur cos tabata indica cu e interes na Hulanda ki sigui baha. Sinembargo e guera den Medio Oriente a cuminsa y esey a pone cu e prijs di gas y petroleo a aumenta drasticamente. Awor e interes ta subi y tur cu ta

monstra ribs e hecho cu e lo sigui subi. Esaki ta mal noticia pa esnan cu kier cumpra cas y negoshinan cu kier inverti. Tur cos ta indica cu e interes lo sigui subi. Con hopi ta depende di inflacion.

Accidente di auto na Cyprus a escala:
Hulandesnan ta scapa despues di wordo ataca pa campeon Turco di drift



CYPRUS: Un competencia prestigioso di drift den fin di siman cu a pasa a caba den un drama pa e rumannan homber Hulandes Roene y Seger Zwanenburg. Despues di accidenta riba e pista, Hulandesnan a wordo golpea pa nan contrincantenan Turco. E Turconan ta acusa e Hulandesnan di core na un manera hopi peligroso. “Mi por a perde mi bida”, un di e

Turconan a skirbi riba Instagram. “E deporte di drift no ta wega”, el a skirbi tambe. E Hulandesnan a wordo hiba oa hospital cu heridanan pisa incluyendo un scheur na cashi di wowo. Nan a entrega un denuncia di maltrato severo cerca autoridadnan. Roene y Seger Zwanenburg ta nombrenan grandi den e deporte di drift y den careda di auto.

Van Weel: Tur cos ta indica cu e sospechosonan di e atentado riba synagogue na Rotteram a wordo recluta pa Iran



ROTTERDAM: Tur cos ta indica cu e sospechosonan di e atentado riba e synagogue na Rotterdam a wordo recluta pa Iran. Esaki minister di Husticia y Seguridad David van Weel a bisa den Tweede Kamer. NCTV cu ta combati terorismo anteriormente a adverti di esaki. Un total di 4 sospechoso di Tilburg

di 19, 19, 18 y 17 añ a wordo deteni en conexion cu e explosion na e synagogue riba A.B.N David-splein na Rotterdam. Van Weel a duna di conoce cu mester warda pa confirma ta ken a duna e orden na e sospechosonan, pero e ta kere cu esaki tin di haber cu Iran.

Riba 14 di April un biaha mas ambtenaarnan di Reino ta bay welga pa aumento di salario



DEN HAAG: Ambtenaarnan di Reino riba 14 di April ta bay dren-ta den accion un biaha mas. Motivo cu rond Hulanda nan ta bay pone nan trabao abao ta cu nan no a ricibi un aumento di salario. Segun e sindicatonan involvi ta bay organisa encuentronan na Groningen, Utrecht, Apeldoorn, Rotterdam, Eindhoven, Amster-

dam y Maastricht. Pa basta tempo caba e ambtenaarnan ta tene accion contra e asina yama ‘nullijn’. E añ aki nan no ta ricibi un aumento di salario ni un coreccion di inflacion. Door di esaki tur e 160.000 empleadonan ta bay atras den poder di compra.

Noticia Internacional

Merca lo permiti su companianan haci transaccionnan cu e compania estatal di petroleo Venezolano PDVSA

E Departamento di Tesoro di Merca a emiti un permiso general cu ta autoriza entidadnan di Merca pa conduci transaccionnan cu Petróleos de Venezuela, S.A. (PdVSA) y su filialnan, meymey di tension aumenta den prijs di petroleo, impulsa pa e guerra na Iran y restriccionnan riba transito door di e Estrecho di Ormuz, un punto strategico pa comercio di energia.

E medida, anuncia pa e Oficina di Control di Activonan Exterior di e Departamento di Tesoro, ta permiti companianan Mericano pa reanuda operacionnan comercial y financiero cu e compania estatal di Venezuela, PDVSA. E comunicado oficial ta especifica cu e autorisacion ta di indole general y ta cubri varios tipo di transaccion, aunke e alcance specifico no ta detaya. “Bao di liderazgo di Presidente Trump, Merca ta trahando cu Gobierno di Venezuela pa habri y restora e sector di energia di Venezuela,” e Tesoro a declara, agregando cu e permiso “generalmente ta autoriza entidadnan estableci di Merca pa conduci varios tipo di transaccion” cu PDVSA.

Riba diaranson, petroleo Brent, e referencia internacional pa prijs di petroleo, a registra un recuperacion pa alcanza USD 103.7 pa bari, mientras cu WTI, e referencia Mericano, a cay cu 1.5%, kedando djis bao di USD 95 pa bari.

Departamento di Tesoro a indica cu e permiso tin como meta pa beneficia tanto Merca como Venezuela, mientras tambe ta contribui na stabilisa e mercado internacional di energia aumentando e suministro



di crudo. “E licencia aki lo beneficia tanto Merca como Venezuela, mientras ta apoya e mercado mundial di energia aumentando e suministro di petroleo disponibel,” e comunicado a bisa.

E autorisacion tambe tin como meta pa incentiva inversionnan nobo den e

sector energetico di Venezuela, den un contexto di apertura gradual despues di añanan di sancion. Segun Tesoro, e medida “lo yuda incentiva inversionnan nobo den e sector energetico di Venezuela,” den liña cu e strategia di e pais pa reactiva su industria petrolero.

Por lo menos ocho morto den un operacion policial contra droga den favelanan di Rio de Janeiro



Por lo menos ocho persona a muri diaranson durante un operacion policial contra traficacion di droga den favelanan den centro di Rio de Janeiro, e gobierno regional a informa.

E accion lansa pa e batayon di operacionnan special a conduci na morto di Claudio Augusto dos Santos, conoci como Jiló, un di e lidernan di traficacion di droga den e region di Morro dos Prazeres.

E hefe di polis militarisa di Rio de Janeiro, Marcelo Menezes, a bisa durante un conferencia di prensa

cu Jiló tabata responsabel pa secuestro y atraconan, como tambe di a participa den e asesinato di un turista Italiano cu a drenta un favela pa eror na 2016.

Seis otro morto tabata vincula na traficacion di droga, mientras cu un victima tabata un residente local cu a wordo tuma como rehen pa e criminalnan y tira, segun autoridadnan.

Como respuesta na morto di Jiló, supuesto miembronan di e fraccion criminal a cende un bus na candela y a uza vehiculonan pa blokea varios caya.

Pa prome biaha FBI a inclui un criminal cibernetico riba su lista di e dies fugitivonan mas busca

E Venezolano Anibal Alexander Canelón Aguirre a bira e prome cibercriminal inclui riba e lista di FBI di e dies fugitivonan mas busca, e agencia federal a anuncia den un conferencia di prensa.

Su nomber a aparece banda di esun di e Vietnameses, Trung Duc Lu y e Mericano Samuel Ramirez, aunke e ultimo aki a wordo captura recientemente despues di un operacion coordina cu autoridadnan Mexicano.

Canelón Aguirre a wordo añadi na e lista pa su supuesto participacion como lider di un red internacional cu, segun acusacionnan, ta horta miyones di dolar for di institucionnan financiero na Merca pa financia

e Tren de Aragua, un organizacion criminal transnacional di origen Venezolano designa pa Washington como terrorista stranhero.

E Oficina Federal di Investigacion a especifica cu e fugitivo ta uza e aliasnan “Prometheus” y “The Engineer”, ta mantene lasonan na Venezuela y Mexico, a nace dia 15 di mei 1976, ta entre 1.65 t 1.70 meter halto, ta pisa 86 kilo, tin cabey preto y wowonan bruin.

FBI ta ofreciendo un recompensa di te cu un miyon dolar pa informacion cu ta conduci directamente na su detencion.

Ademas, e ta dirigi un conspiracion internacional na gran escala dedica na asi-



na yama “jackpotting” di ATM, un tecnica cu ta uza software malicioso pa saca placa cash ilegalmente.

E orden di aresto federal pa Canelón Aguirre a wordo emiti dia 9 di December 2025, door di e Corte di Distrito di Merca pa e Distrito di Nebraska, despues cu el a wordo acusa di conspiracion pa comete fraude di banco, atraco

di banco, daño intencional na sistemanan di computer proteha, labamento di placa, y dunamento di sosten material na terrorista.

E caso ta wordo maneha pa e Forsa di Tarea Conhunto Vulcan, den colaboracion cu e Seccion di Crimennan di Computer y Propiedad Intelectual (CCIPS) di e Departamento di Husticia di Merca.

Noticia Internacional

Delcy Rodriguez a destitui Minister di Defensa di Venezuela, Vladimir Padrino López

E lider di e regimen chavista, Delcy Rodriguez, a retira general en hefe Vladimir Padrino López for di e ministerio di defensa, terminando mas di un decada na cabes di Forsanan Arma.

E decision ta implica un cambio den e estructura militar, considera como un di e pilarnan di poder chavista, meymey di un reorganizacion politico despues di e captura di e narco-dictador, Nicolas Maduro.

“Nos ta gradici General Vladimir Padrino López pa su dedicacion, su lealtad na e Patria y pa tabata, durante tur e añanan aki, e prome soldad den defensa di nos pais,” Rodriguez a expresa riba su rednan social.



Den e mensahe, e funcionario a agrega cu e Padrino “lo asumi cu e mesun compromiso y honra e responsabilidadnan nobo cu lo wordo confia na dje.” Padrino López tabata Minister di Defensa cu a sirbi mas largo di e “revolucion.” El a controla e forsanan arma, a coordina e

represion di e protestanan di 2014 y 2017, a dirigi e Gran Mision di Suministro Soberano—e mecanismo cu chavismo a uza pa distribui cuminda y cumpra sosten durante e crisis di cuminda—y repetidamente a hura su “lealtad absoluto” na Nicolas Maduro.

Su rol tabata decisivo durante e momentonan di mas scur: na 2019 el a rechasa publicamente cualk-

ier transicion; na 2024, despues di e eleccionnan presidencial, el a impulsa e fraude cu declaracionnan oficial cu a haci cla cu FANB (Forsanan Arma Nacional Bolivariano) tabata prepara pa defende “e proyecto” riba e boluntad popular.

Merca a pon’e riba su lista di sancion pa corrupcion y traficacion di droga y ta ofreciendo un recompensa di 15 milyon dollar pa su captura. Canada a sancion’e na 2017 pa a ataca democracia, y Union Europeo y Reino Uni a congela su propiedadnan y a prohibi’e di drenta nan pais debi na su responsabilidad pa violacion di derechonan humano.

Despues di e captura di Maduro dia 3 di januari pa forsanan Mericano, e comandante en hefe a keda na cabes di Forsanan Arma, exigiendo liberacion di e

dictador y su casa, Cilia Flores.

“E Forzanan Arma Nacional Bolivariano ta condena fuertemente e secuestro cobarde di Nicolas Maduro Moros, e presidente constitucional di e Republica, nos comandante en hefe, y su esposa (...) un acto cometi ayera, diasabra, 3 di januari, despues cu un gran parti di su detaye di seguridad—soldadnan y civilnan inocente—a wordo asesina den sanger na momento cu el a bisa. Reemplasante di Padrino López

Padrino López lo wordo reemplasa pa Gustavo Gonzalez López, kende tambe a wordo sanciona pa Merca na 2015 pa e represion violento di e protestanan di 2014, detencionnan arbitrario, tortura, persecucion di oponentenan, y abuso di derechonan humano.

Iran ta ataca y kima un refineria na Qatar y un deposito di combustibel na Riyadh



Iran a lansa atakenan diaranson contra Emiratonan Arabe Uni y Qatar, cu a causa un candela den e refineria Ras Laffan, e principal instalacion di gas natural likido di e pais, y den un deposito di combustibel pa avion na Riad.

Gobierno di Qatar a informa cu defensa civil ta tratando cu un candela cu a causa “daño serio” na Ras Laffan, e sitio principal di produccion di gas natural likido di e pais.

QatarEnergy a confirma e

atake, bisando cu “e ekiponan di emergencia a wordo desplega mesora pa contene e vlamnan” y cu “no tabatin informe di victima te awor.”

E atake aki a tuma lugar despues cu Israel a ataca e instalacionnan di gas South Pars diaranson, cu ta forma parti di e campo di gas mas grandi di mundo comparti pa Iran y Qatar, y despues cu e militarnan Irani a priminti cu esaki lo no keda sin castigo.

E retiro di 300 agente di TSA y oposicion democratico ta empeora e caos na aeropuertonan na Merca

Mas cu 300 agente di TSA a renuncia desde cu e ceramento di gobierno federal a cuminsa dia 14 di februari, causando retrasonan largo na aeropuertonan den henter Merca.

Segun cifranan di agencia interno cita pa e cadena Mericano CBS News, e escenario a empeora despues cu senadornan Democra ta nenga di aproba e presupuesto di Departamento di Seguridad Nacional sin negocia prome reformanan pa ICE y e Patruya di Frontera. Durante fin di siman, pasaheronan na Chicago O’Hare y Fort Lauderdale-Hollywood International Airport na Florida a experiencia rijnan super largo;



aglomeracion a baha pa atardi, segun CBS News. Varios aeropuerto di Merca a conseha biaheronan pa yega te cinco ora prome cu nan buelo.

E efecto riba aeropuertonan di Merca

Datonan publica pa e cadena Mericano CBS News a indica cu e aeropuerto William P. Hobby di Houston a registra un ausencia di 53% di personal di TSA

dia 8 di maart y 47% e siguiente dia.

Na Aeropuerto Internacional John F. Kennedy di New York, 21% di e personal a meld ziek durante e ultimo luna; na Hartsfield-Jackson Atlanta International Airport, e cifra tabata 19%. Mientrastanto, na Aeropuerto Internacional di Louis Armstrong New Orleans, a alcanza 14%.

Aurora

Royal Pray

Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

"Laga tur local cu ta spera'mi ta bunita,
Laga tur locual cu mi encontra na caminda ta bunita,
Laga tur local cu ta rondonami ta bunita, Laga tur local mi ta
laga'tras keda bunita y laga esakinan termina den tur buniteza".
Cado Wever



Nos ta anuncia fayecimento di:

Olivio de Cuba

Ex-trahado di BUVO
*03-06-1938 – †15-03-2026

Mayornan:

†Ramon de Cuba y †Emilia de Cuba- Kock

Esposa:

†Sra. Enriqueta de Cuba-Koolman

Yiunan: Robert y Olga de Cuba-Satizabal

Enid y Josef Croes-de Cuba

Mabel y Errol Farro-de Cuba

Gina de Cuba

†Clyde y †Maira de Cuba-Croes

Lillian de Cuba y Tito Thiel

Roderick de Cuba

Wendy de Cuba

Nieto(a)n:

Sharissa y Bryan Dirks-de Cuba

Janine y Stefan Reek-de Cuba

Shannon y Claudia de Cuba

Amber y Boaz Saam-de Cuba

Brandon y Danielle Baars

Shaun, Shandrick de Cuba

Aaron, Joueny Croes

Stacey y Rodd Croes-Banfield

Shanley y Will Erasmus-Banfield

John Wever

Jerald y Dilianna Wever-Ras

Janeczka Wever y Guido Wouters

Clair, Clayenne de Cuba

Nigel, Ithel Maduro

Shyenne Rasmijn

Alysha Rasmijn

Bisanieto(a)n: Shaquil, Braynsly, Sherdion, Ebrion, Ayden, Daley,

Elena, Shanito, Shane, Eli, Joa, Mila, Ryan, Kayden, Maddison, Tahahirah,

Ebrianhy, Emali, Jayvin, Daylen, Zendrick, Quizion, Jerzion, Quivon,

Jaëlyenne y Jaediënne.

Tatara nieto:

Tristian

Rumannan:

†Carlos y Aura de Cuba-Osteicoechea y famia

†Fernando y †Thelma de Cuba y famia

Calista y †Theo Paalman y famia

†Arichi y †Ninita de Cuba y famia

Cerilia de Cuba y famia

Beltra de Cuba y famia

Elita de Cuba y famia

†Luis de Cuba

Swa y cuñanan:

†Aquilino y †Yoyo Koolman y famia

†Armando y †Imelda Koolman y famia

†Calista y †Boy Simon y famia

†Chena y †Chemito Kelly

Amigo/amiganan di cas : Francisco y Netsay Ruiz, Albertico Rasmijn y

Morgenster Domino Team

Ayudante nan:

Soraya, Erna y Blanca

Demas famia: de Cuba, Croes, Farro, Thiel, Dirks, Banfield, Wever,

Rasmijn, Koolman, Simon, Paalman, Ruiz, Kock, Maduro, Wouters,

Satizabal, Osteicoechea, Kelly, de Kort, v/d Linden, Schwengle,

Velasquez,

Grupo 60+ Curason Savaneta, Flor di Brasil y Fundacion Cas di mi Chepa

Despensa nos si den nos tristeza nos por a lubida un of otro persona

Ta invita pa acto di condolencia y despedida cual lo tuma lugar
Diabierna 20 di maart 2026 na Aurora Funeral Home di 1 or pa
4 or pm y despues lo sali pa Santana Catolico na Savaneta.

Aumento mundial di prijs di crudo tin hopi di nos ciudadanonan preocupa

ORANJESTAD (AAN) -- mente preocupa cu aumento mundial di prijs di crudo, Hopi consumidor ta suma-

pasobra e no ta afecta solamente e costo di gasoline, diesel, gas, etc., sino henter e mundo di e consumidor, pasobra esaki no ta den nos man, sino cu ta cuminda afo, como cu e tin influencia internacional.

Esaki ta abarca desde alimentacion, bistimento, gastonan medico, utilidadnan (awa, coriente, comunicacion, etc.) pero tambe transporte.

Y cu transporte no ta referi solamente na e hecho cu tarifa di avion, crusero, y tur loke tin di haber cu viahamento lo aumenta di prijs, sino tambe e costo di aduana pa produccionan importa, cu sigur lo interfeiri den prijs di mobiliario, makinaria, construccion, vivienda mes (cu ya caba ta hopi costoso y ademas scars) y cu ta forma parti di e red di desaroyo den tur pais, pero algo supremamente importante cu ta e transporte publico. Den pueblo, meymey di e personanan comun, cu ta biba di un salario minimo of medio, y cu ta depende di autobus (bus chikito) y Arubus, pa moviliza entre cas y trabao y bek, of cualkier otro diligencia, ta reina temor cu e prijs di transportacion ta bolbe aumenta. Salarionan no ta subi, esey ta secreto publico, pero tur cos den comercio y bienes y servicio si ta aumenta keto bay, y pa un trahado cu ta uza pa dia un average di cuater trip pa dia, e gasto den transporte ta hopi halto, casi mescos cu loke esnan cu tin auto propio ta gasta den gasoline.

Costo di autobus ta 4 florin pa trip, y Arubus 4.50 florin pa trip, pues un simple operacion matematico ta muestra cuanto placa tin cu reserva pa luna, pa yega trabao y bin cas bek. Si e tarificanan aki ta bolbe subi, ta nifica cu parti di e alimentacion mester keda afo. Ah, y esaki sin menciona cu ta bin acerca e placa pa nan yiunan bay scol y bin cas bek tambe. Tur esaki ta trenciendo hopi presion den parti di nos comunidad, y manera clinicamente ta comproba, stress ta e prome stap pa haya problema di salud mental.

Aurora

Royal Pray

Funeral Home & Crematory

Cumana # 76 & # 44
van Speyckstraat # 1
Oranjestad, Aruba
T.: (297) 588-6699
E.: info@aurorafuneralaruba.com

A fayece:

Señora Maximina Orman

Carinösamente yama: Mina

*14 Dec 1948 - †16 Mrt 2026



Na nomber di su:

Yiunan:

Micheline y Francis

Prince

Moriah y Marc

† Shawn

† Hannah

Rumanan:

† Carla Dirks

† Ovito Orman

Leo Dirks

Milvia y Josito

Rafael y Mariela

Rudy y Gina

Mitza y Carlos

Oslin y Ximena

Mihor amiga:

Chichi

Nuera:

Sandra

Nietonan:

Ismaël, Prince, Sharida, Cheline, Noelly,

Cheyenne, Anthony, Shawnee, Thaylor,

Naomi y Angel

Bisanietonan:

Jefairo, Kaiden, Cataleya,

Delyshano, Isheyne, Ishma Ellie

Charaylee

Subrino y Subrinanan:

Sheidy, Marissa, Brian y Marylin

Ralph, Mireille, Giellion, Andreina

Jeandry y Paola, Ghislaine

Giovanny y Astrid, Jeanina y Ruben

Melisa y Etienne, Gabriel

Charelda, Melitza

Janice, Sherrylane

Bricis, Tieris

Waldrick

Demas Famia: Richardson, Paalvast, Wiilems,

Arends, Beccera, Croes, Dirks, Dubero, Cabral,

Gomez, Lierop, Maduro, Orman, Ras, Tromp,

Werleman, Wever, Zucotti dos Santos,

Famia na Hulanda, Corsow, St Maarten, St Kitts

Famia ta pidi disculpo pa den tristeza si por lubida

algun famia.

Nos ta invita tur famia, bisinanan y conocirnan pa asisti na acto di condolencia y despedida cu ta tuma lugar diabierna 20 di Maart 2026 na lugar di Royal Funeral Home di 7or te cu 9or di anochi. Cremacion lo tuma lugar despues.

Yiunan ta pidi pa bisti algo alegre.

**Pa chica Pos - Habri tuberia y wc.
Servicio lihe y confiabel.**

Experiencia ta manda
CICLONE
Septic Tank Service

Tel: 564-0607 / 734-0607

**TA FURA
ELMA UPHOLSTERY**

Matras, box busca mainta y
hay e atardi! Set di sala, tv
chair, sienta auto.

Tel: 565-5577
Macapruimstraat # 1L

**CONSTRUCCION
REMODELACION**

Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construcccion di cas
y apto bon prijs. Free quotation.
Tel: 561-2137

SUSHI

Nos ta piki sushi tur caminda,
lage limpi limpi mane un
soño. Pa solamente 50,- pa
buelta y Ecotech apart.
Yama nos na 592-5766 of
561-5179. Arubiano trahado.

PROMASTER

Pa laba tapijt, sofa,
tur matras.
99% desinfecta.
Tel: 582-0383 / 593-3538
Leslie Maduro

WASMACHINE

Ta drecha wasmachine,
dryer, stoof, forno.
Ta drecha, service y instala
airco. Tel: 742-2518.
Ta drecha na cas mes.

NOS TA DRECHA

Frigidaire,
wasmachine, dryer,
airco, cooler.
Tel: 566-4366

DIRECTV

A miho T.V. na Aruba
Mundial Futbol na caminda,
haya bo DIRECTV awo
prome cu ta caba.

Yama cel: 733-5762

SEÑORA TA OFRECE

Pa drecha paña, cortina, traha
furu pa stoel, sofa y ba haci
tur tipo di trabao di cosemento.
Mi mes ta busca y hibe
bek pa bo. Tel: 660-7571.

TA CHAPI

**TIRA SUSHI AFO
TRANSPORTE
DE CARGA**
Tel: 594-5115

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747

Sector di cuido medico na Aruba ta recorda drs. Joël Rajnherc y su legado



ORANJESTAD (AAN): Min-
isterio di Salubridad, Asun-
to Social, Cuido di Adulto
Mayor y Maneho di Adiccion
ta rindi homenahe na legado
di drs. Joël Rajnherc, kende
durante decanan a con-
tribui significativamente na
desaroyo di cuido medico na
Aruba.

Pa mas cu tres decada, drs.

como director di Instituto
Medico San Nicolas (ImSan),
el a hunga un rol importante
den e fortalecimiento di cui-
do medico na Aruba. Bou di
su liderazgo, ImSan a logra
acreditacion medico interna-
cional, elevando nivel di cali-
dad y seguridad di servicio pa
comunidad di San Nicolas y
pa Aruba en general.



Rajnherc a dedica su bida
profesional na pediatria, sir-
biendo generacionnan di mu-
cha tanto na Hulanda como
na Aruba. Den momentonan
di preocupacion y recupera-
cion, el a para banda di hopi
famia cu compromiso y re-
sponsabilidad.

Durante mas cu un decada

Ministerio ta recorda drs. Ra-
jnherc como un lider influy-
ente den sector di salud, cu
su liderazgo y dedicacion cu
a laga un impacto duradero
riba cuido medico na pais.

Nos ta expresa nos mas sin-

cero condolencia na su famia,
sernan keri, coleganan y tur
esnan cu el a toca cu su dedi-

cacion y trayectoria.
Cu drs. Joël Rajnherc sosega
na paz.

Cargami den boso curason.
Mi tarea na mundo a termina.
Recordami cu alegria.
No keda tristo,
bida ta bunita y yena cu color.
Corda riba e amor cu
mi a comparti cu boso nan.



Truida Trott - Maduro

Maria Gertruida

* Oranjestad (Aruba), 20 maart 1939

† Weert (Nederland), 12 maart 2026

echtgenote van Frank Anthony Trott †

moeder en

schoonmoeder van Franklin en Ischelle
Michael en Magaly
Joanna
Julie
Gregory
Dennis en Miriam

Klein- en achterkleinkinderen
en alle overige familieleden

Correspondentieadres:

Uitvaartcentrum Schoutlaan
t.a.v. familie Trott - Maduro
Schoutlaan 19, 6002 EA Weert

We zullen afscheid nemen van Truida op zaterdag
21 maart om 10.30 uur (NL) / 5.30 AM (UAU) in de aula
van Crematorium Weerterland te Weert - Nederland.
U kunt de uitvaart via livestream volgen op
www.liveuitzendingen.nl met de code: E8A688FC

Geuns Uitvaartbegeleiding (0495) 549 630

**JR PLOMERIA Y
CONSTRUCCION VBA**

Nos ta haci tur trabao
di plomeria grandi y
chikito. Lavamanos,
wc, lavaplate y ducha.

**Jrplomeriaconstruccion@gmail.com • Sero Blanco 29-E
Tel: 563-4154 • 563-9130**

**Mercado Reparacion y Servicio
Nos ta drecha**

Wasmachine, Frigidaire,
Cooler, Dryer, Stoof, Forno.
Tur tipo di split-unit y window.
ALEX MERCADO! Any time

Cel: 567-0580

ASSOCIATED REALTORS

TA BENDE
Un cas espacioso di 5 camber
y 2 baño na Huronstraat/
San Nicolas, fixer upper,
construi 285 m², tereno 486 m²
y pa Afl.420.000,00.
Yama Mito na 593-6318



Na tur Parokeano y
Aruba henter na Pro-
Cathedral San Francisco.

**Pa hunto nos
Celebra e Fiesta
Na Honor di San
Hose.**

Diahuebs 19 Maart 2026,

Pa 7 or di Anochi.



**FIND
MOVIE TIMES**
THEMOVIESARUBA.com



THE
MOVIES
PRINCIPAL
RENAISSANCE

GLORIA
cinema, dining, entertainment, play



Futbolistanan di SV Dakota a ricibi Rey Willem-Alexander



ORANJESTAD (AAN): Hobennan futbolista di tur team y directiva di SV Dakota tambe a demonstra respet y amor pa nos Mahestad Rey Willem Alexander durante su bishita na e Centro diaranson atardi.

Nan a duna un caluroso bonbini cu hopi entusiasmo mes. Tur team di Dakota tabata presente como tambe directiva Sr. Carl Michael Bikker, director di CBD y Sr. Gilmar Croes, president di SV DAKOTA.





HIMNO Y BANDERA
19 TILL 21 MARCH
WITH DRINKS, SNACKS, DJ ENTERTAINMENT & DISCOUNTS!

SHOP ON CREDIT & GET UP TO
2 FREE INSTALLMENTS
PLUS FREE DELIVERY
FOR CREDIT CUSTOMERS
AT AMC UNICON!

CONDITIONS APPLY.



569-2407
AMC EAGLE MEGASTORE

568-9070
AMC SAN NICOLAAS

HORARIO: 9am - 6pm
DIALUNA PA DIASABRA



SAVE AWG 11  QUATTRO FRY PAN - 20CM NON STICK - GRAY QTTFP20G NOW AWG 9 WAS AWG 19,99	SAVE AWG 200  CUISINART AIR FRYER - FLEX 11 LITER CAPACITY 2 INDEPENDENT COOKING CKSTAF11MCDDF-013 NOW AWG 499 WAS AWG 699	SAVE AWG 100  TCL POWERFUL SOUND PARTY SPEAKER BLUETOOTH WIRELESS BLACK TP300K NOW AWG 599 WAS AWG 699,99
SAVE AWG 50  MIDEA (FNB-PEO) IND SPLIT UNIT 12KBTU FOREST INV SEER 21 R410 MSAFB-12CFNB-PEO ID (FNB-PEO) OD SPLIT UNIT 12KBTU FOREST INV SEER 21 R410 MOX130-12CFNB-PEO OD NOW AWG 649 WAS AWG 699 MONTHLY AWG 71 SAVE 2 FREE MONTH AWG 142	SAVE AWG 300  TCL FRONT LOADER WASHER/DRYER 10 KG C210WDTG NOW AWG 999 WAS AWG 1299 MONTHLY AWG 105 SAVE 2 FREE MONTH AWG 210	SAVE AWG 400  AKT MOTORCYCLE SCOOTER 2026 - 150CC - BLACK AKTAK150ZTGNG-2026 NOW AWG 3799 WAS AWG 4199 MONTHLY AWG 356 SAVE 2 FREE MONTH AWG 712

Den conexion cu nos Dia Nacional Himno y Bandera:

De Schatkist Peuterschool en Na Schoolse Opvang realiza su tremendo "Proyecto Familiar 2026"

ORANJESTAD (AAN)--
Dialuna 16 di Maart, De
Schatkist Peuterschool en Na
Schoolse Opvang, a organiza
un evento familiar. Juffrouw
Tuti a splica DIARIO, di kico
esaki a consisti.

"Esaki a hiba e nomber
"Proyecto Familiar 2026".
Esaki ta un proyecto cu anu-
almente ta wordo organiza, y
e tin e meta di asina aki, in-
volucra mayornan den e des-
saroyo di nan yiu. Y ki mas
bunita cu den e temporada di
Himno y Bandera, unda nos
ta celebrando nos Dia Na-
cional. E proyecto e aña aki
a consisti cu nos muchanan
a haya un blachi di Juffrouw
di e bandera di Aruba, y nan
ta bay cu ne y conhuntamente
cu nan famia, pensa con ta
bay decora esaki", Juffrouw
Tuti a splica. El a expresa cu
"the sky is the limit", y cu nan
por a uza piedra, crepe paper,
trah'e den forma di stenchi,
santo di lama, pero idea ta
pa peg'e den un formato mas
fuerte cu por colga of para
riba su mes.

Cu hopi orguyo Juffrouw
Tuti a comenta cu e much-



anan hunto cu nan famia a
traha riba e proyecto pa casi
dos siman y nan a keda cla.
Dialuna tabata e fecha pa e
wordo presenta y e resultado
tabata asina creativo y bunita,
cu Juffrouw Tuti a keda asina
contento cu e resultado, hunto
cu e team di De Schatkist.
Durante e dia mayornan por

a pa scol pa wak, observa y
admira e proyectonan cu nan
yiunan a realiza hunto cu nan,
en conexion di Dia di Himno
y Bandera. Riba combinacion
di potret por mira e bunita
proyecto aki, hopi creativo,
colorido, y traha cu hopi cura-
zon pa Aruba y nos Dia Na-
cional Himno y Bandera.
Juffrouw Tuti y full e team di
De Schatkist ta contento cu
tur e tesoronan cu a participa.
Categoría 1: Kyomi, Catego-
ria 2: Jillienne, Categoría 3:
Amora.

